


文苑英華

自二百二十一
至二百二十九



詩

隱逸

寺院

庫文閣内			
函	冊	號	類
一四	一〇〇	三七二六	漢書
九			

庫文閣内			
函	冊	號	類
三六	一〇〇	三七二六	漢書
二四			

内閣文庫	
番號	漢 3726
冊數	100(24)
函號	361 53



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

隱逸二

淺草文庫

處士四十五首

山人二十一首

處士

春日送麗處士歸龍山

釋無可

愛弟直霜臺家山羨獨迴出門特返顧何日更西來柳亦
臨關發花應到越開漁舟誰伴上依舊恣公洄

酬吳處士

一作寄
朱慶餘

周賀

紀當聽鴈夜多事不一作少同居故疾離城晚秋霖九月疎

趁一作聽

鍾開靜戶帶一作掃

一作

葉卷殘

一作關

書蕩


一作盪

槩期南

去荒園久廢鋤

文苑英華卷第二百三十

詩八十一



此詩二百四十六卷二百六十一卷重出並已削去
一注異同為一作

送沈處士赴蘇州李中丞招以詩贈行 杜牧

山城樹葉紅下有碧溪水溪橋向吳路酒旗誇酒美下馬
此送君高歌為君醉念君抱材能百工在城壘空山三十
年鹿裘挂窓睡自言隴西公飄然我知己舉酒屬吳門今
朝為君起懸弓三百斤囊書數萬紙戰賊即戰賊為吏即
為吏盡我所有無惟公之指使予曰隴西公滔滔大君子
常思掄群材一為國家治譬如匠見木礙眼皆不棄大者
斲十圍小者細一指楮楸與棟梁施之皆有位忽然豎明
堂一揮立能致予亦何為者亦受公恩紀處士常有言
人系常恨兩手空不得一馬筆今依隴西公如虎
兩翅公非刺史材當坐巖廊地處士瑰奇姿必展平生志
東吳饒風光翠巘多名寺踈煙疊疊秋獨酌平生思因書
問故人能忘批紙尾公或憶姓名為說都憔悴

贈宣州元處士

前人

陵陽北郭隱身世兩忘者蓬蒿三畝居寬於一天下罇酒
對不酌一作與玄相話人生自不足愛嘆遭逢寡

此詩二百六十一卷重出今已削去注異同為一作

題常處士山居

集作題常隱居西齋

許渾

新藥去還歸家人半掩扉山風藤子落溪雨集作豆花肥
寺遠僧來少橋危客過一作稀不聞碓杵動應解剪集作

荷衣

贈裴處士

前人

為儒白髮生鄉里早聞名煖酒雪初下讀書山欲明集作未

字形翻鳥跡詩調合猿聲門外滄浪水知君欲濯纓

送集作別常處士

前人

南北斷蓬飛別多相見稀更傷今日鬢集作酒未換昔時集作

年衣舊友幾人在故鄉何所集作處歸秦原向西路雲晚雪

霏霏

此詩二百八十八卷重出今已削去

將赴京師留題孫處士山居二首 前人

西巖有高興路僻幾人知松蔭花開少集作晚山寒酒集作

舊時

野鶴休息過集作遇靈龜長見隣翁說集作

二

前人

草堂近西郭遙對鏡集作敬亭開枕膩海雲起簟涼山雨來

高歌懷地肺遠賦憶天台應笑集作學相如志終須駟馬廻

寄昭亭楊處士

集作寄楊陵處士

前人

舊隱青山紫桂陰一書迢遞寄歸心謝公樓上晚花發集作

盛楊子宅前春草深吳岫雨來溪鳥浴楚山集作江雲暗嶺

猿吟野人寧負滄洲伴會待吹竽定至音

題獨孤處士村居

薛逢

江上園廬荆作扉男驅耕犢婦鳴機林巒當戶為蘿暗桑

文苑英華

卷一百一十五

七

助高

柘繞村薑芋肥幾畝稻田還謂業兩間苟舍亦言歸何如
一被風塵染到老云云相是非

處士廬岵山居

温庭筠

西溪問樵客遙識楚人集作主人家古樹老連石急泉清露沙
千峰隨雨暗一逕入雲斜日暮鳥飛散滿山麩麥花

題陳處士幽居

前人

松軒塵外客高竹集作桃自蕭疎雨後苔侵井霜來葉滿渠
閑看鏡湖畫時得越僧書若待前溪月誰人伴釣魚

題李處士幽居

前人

水玉簪頭白一作戴角巾瑤琴寂歷拂輕塵穠陰似帳紅薇
曉細雨如烟碧草春一作新隔竹見籠疑有鶴捲簾看畫

此詩三百十八卷重出今已削去

題李羽處士寄新醞走筆戲酬 前人

高譚有伴還成藪沉醉無期即是鄉已恨流鶯欺謝客
將浮蟻與劉郎簷前柳色分張綠窗外花枝借助香所恨
玳筵紅燭夜草玄寥落近廻塘

處士隱居

張祜

斜日半飛閣高簷集作簾輕翳一作翳遠空清香芙蓉水碧冷琅
玕風絕岸孤沿泐脩廊趾崇隆唯當餌仙朮坐作朱顏翁

送鄭台處士歸絳巖

方干

榮啓先生挾瑟去厭尋靈勝憶巖栖白猿啼集作垂樹窓邊

月紅鯉驚鈎竹外溪慣採藥苗資素饌曾書蕉葉寄新題
古賢猶愴河梁別未可忽忽便解携

書桃花塢周處士壁

前人

醉吟雪月思彌苦思苦神勞白

集作新

髮生自學古賢脩靜

節唯應野鶴識高情細泉出石飛難盡孤燭和雲濕不明

何事懶於嵇叔夜更無書信

集作札

答公卿

贈黃處士

前人

閉戶先生無是非竹灣松樹藕絲衣愁吟密雪思難盡醉

倒落

集作殘

花扶不歸若出薜蘿迎鶴簡應隨舴艋別漁磯

到頭苦節終何益空改文星作少微

贈中巖王處士

前人

靈槌裊裊草芊芊氣象清深

集作虛

似洞天援筆便成

賦洗花亦

集作湏

用枯槔泉商於避世堪同日渭叟

集作曲逢

時必有年直恐肺

集作剛

腸閑不

集作未

得醉吟爭奈被才牽

送房處士閑遊

李群玉

注

集作採

藥陶貞白尋山許遠遊刀圭藏妙用巖洞契冥搜

花竹

集作月

三湘水琴樽一葉舟羨君隨野性

集作鶴

長揖稻

梁愁

贈包處士

李洞

愁思枕月卧瀟湘寄宿慈恩竹

集作寺

裏房性急還

集作却於

暮上慢身閑未免藥中忙休拋手網驚龍睡曾挂頭巾拂

鳥行聞說石門君舊隱寒峯

集作風

濺瀑壞書堂

虎丘寺贈漁處士

趙嘏

蘭若雲深處前年客重過
岩空秋色動水濶夕陽多
早負江湖志今如鬢髮何
唯思關勝我釣艇在煙波

送韋處士歸省朔方

前人

映柳見行色故山當落暉
青雲知己歿白首一身歸
蒲柳蕭關雨連沙塞鴈飛
到家纔有喜借取老萊衣

贈曹處士幽居

前人

勾漏先生冰玉然曾將八石問群仙
中山暫醉一千日南苑住來三百年
碁局不收花蒲洞霓旌欲別浪翻天
何須更學鴟夷子頭白江湖一短船

新秋雨霽宿王處士東郊

馬戴

夕陽逢一雨夜雨洗清陰
雨路氣竹窓靜秋光雲月深
露藥味話及故山心得意
兩不寐微風生玉琴

送胡處士歸湘南

李頰

見話荆湘切長愁有去時
江湖秋涉遠雷雨夜眠遲
舊業多歸興空山盡老期
天寒瓢酒落日擬留誰

秋晚訪李處士所居

皮日休

門前襄水碧潺湲靜釣歸來不掩關
書閣鼠穿厨簾破竹園霜後枯槔閑
兒童不許驚幽鳥藥草須教上假山
莫爲愛詩偏念我訪君多得醉中還

李處士郊居

前人

石衣如髮小一作水溪清溪上柴門架
樹成園裏水流澆竹

響窓中人靜下棋聲幾多狎鳥皆諳性無限幽花未得名
蒲引紅螺詩一首劉禎失却病心情

送陸處士

張喬

罇前放浩歌便起一作泛烟波舟楫故人少江湖明月多
孤峯經宿上僻寺共雲過若向僊巖住還應著薜蘿

送韓處士歸少室山

前人

江外歷千岑還歸少室吟地閑緱嶺月窓迥洛城砧石竇
垂寒一作乳松枝長別琴他年瀑泉下亦擬置家林

西蜀淨衆寺松溪八韻寄水筆崔處士 鄭谷

松因溪得名松吹蒼溪聲繚繞能穿寺幽竒不在城寒煙
齋後散春雨夜中平染岸蒼苔古翹沙白鷺明澄分僧鏡

微客心清帶梵侵雲響和鍾激石鳴淡烹新茗爽
落花輕此景窮一作難盡憑君畫入京

蔡處士

前人

無著復集作無求平生不解愁鬢疏貧淨絮中酒病風流
昔趣陶山相詩篇沈隱侯小齋江色裏籬柱繫漁舟

梁燭處士辭金陵相國杜公歸舊山因以寄贈

前人

相庭留不得江野有苔磯兩浙尋山遍孤舟載鶴歸世間
書讀盡僧集作外客來稀諫署搜賢急應難借布衣

長安夜坐懷寄湖外嵇處士 前人

萬里念江海浩然天地秋風高群木落夜久數星流鍾絕

分宮漏螢微隔御樓集作遙知集作洞庭上葦露滴漁舟

寄贈楊夔處士 前人

結茅依約釣魚臺
濺水鷗鷺去又迴
春卧甕邊聽酒熟
露吟庭際待花開
三江勝景遨遊遍
百代群書講論集作貫來
國步未安風雅薄
可能高尚抑天才

此詩二百六十四卷重出今已削去

題仇處士郊居棄官杜荀鶴

江南景簇好集作林亭手板藍裾自可輕
洞裏客來無俗話
郭中人到有山情
閑拋集作敲巖果呼猿接時釣溪魚引
鶴爭笑我有詩三百首
馬蹄終日急於名

憶張處士 王貞白

入松徑海月上巖扉
畢世唯高卧無人說是非

帝曲杜處士新居 羅隱


翠斂王孫草荒誅
宋玉茅寇餘無故物
時薄少深交
迸笋集作行逕肌雛出壞巢
小園吾亦有多病
近來拋

醉張集作處士見寄 前人

中原甲馬未曾安
今日逢君事萬端
亂後幾回鄉夢隔
別來何處路行難
霜鱗共落三門浪
雪鬢同歸七里灘
何必新詩更相戲
小樓吟罷暮天寒

早春送處士張坤歸汴州集作前人

蕭蕭羸馬正塵埃
又送歸軒向吹臺
別酒莫辭今夜醉
故



入知是幾時來集作泉經華嶽猶應凍花到梁園始合開
為謝東門抱關吏不堪惆悵蒲離盃

此詩又見二百八十三卷

贈鏡湖處士方干二首

曹松

包含教化剩搜羅句出東甌柰峭何世路不妨平處少才
人唯是屈聲多雲來島上便幽石月到湖心忘白波後輩
難為措機杼先生織字得龍梭

二

祇擬應星眠越絕唯將麗什當高勳磨礱清濁人難會織
絡虛無帝亦聞鳥道未知山足雨漁家已沒鏡中雲他時
莫為三徵起門外沙鷗解笑君

拜訪陸處士

前人

萬卷書邊人半白再來惟恐降玄纁性靈比鶴爭多少氣
力登山較幾分吟髯漸無前度漆寢衣猶有昨宵雲將知
谷口耕烟者低視齊梁楚趙君

題任處士脩精舍

魚玄機

幽人翔竒境遊客寄一作行程粉壁空留字蓮宮未有名
鑿池泉自出開筵草重生百尺金輪閣當川豁眼明

山人

寄鄭霍二山人

王維

翩翩繁華子多事集作金張門幸有先人業早逢集作明
主恩同童集作年且末學肉食驚華軒豈乏中林士無人薦

至尊鄭生老泉石霍子安一作樊賣藥不二價著書盈萬言
息陰無惡木飲水必清源吾賤不及議斯人竟誰論

遊李山人所居因題屋壁 前人

世上皆如夢往來或自歌問年松樹老有地竹陰集作多
藥倩韓康賣門容尚子過翻嫌枕席上無那集作白雲何

寄張十二山人彪 杜甫

獨卧嵩陽客三遠一作穎水春艱難隨老母慘澹向時人

謝氏尋山屐一作陶公一作漉酒巾群兒彌宇苗此物在

風塵歷下辭姜被關西得孟隣早通交一作芙蓉一作晚接道

流新靜者心多妙先生藝絕倫草書何一作太古詩與不

無神曹植休前輩張芝更後身數篇吟可老一字買堪一作

名俱驅馳喪我真素若猶寂寞相遇一作益酸一作辛一作酸

依邊一作迎念席玆時來故舊少亂後別離頻世祖脩高

廟文公賞從臣商山猶入楚源一作水不離一作秦存想

青龍秘騎行白鹿馴耕巖非谷口結草即河濱肘後符應

驗囊中藥未陳旋懷一作殊不愜良觀渺無因自古皆悲

恨浮生有屈伸此邦今尚武何處且依仁鼓角凌天籟關

山信月輪官場羅鎮磧賊火近洮岷蕭瑟一作論功一作

地蒼忙闔將辰大軍多處所餘孽尚紛綸高興知籠鳥斯

文豈一作起一作獲麟窮秋正搖落迴首望松筠

送范山人歸太山 李白

魯客抱白鶴別余往太山初行若片雪杳在青崖間高高
至天門海日近可攀雲生望不及此去何時還

送楊山人歸嵩山

前人

我有萬古宅嵩陽一作山玉女峯長留一片月掛在東溪松
爾去掇仙草菖蒲花紫茸歲晚或相訪青天騎白龍

下終南山過斛斯山人宿置酒 前人

暮從碧山下山月隨人歸却顧所來逕蒼蒼橫翠微相携
反田家稚子開荆扉綠竹入幽徑集作青羅拂行衣歡言
得所懣羨酒聊共揮長歌吟松風曲盡河星稀我醉君復
樂陶然共忘機

送鄭山人還廬山人別業

劉長卿

薄物數畝宅歸卧掩柴關谷口何人待一作門前秋草

忘機賣藥罷揮手一作杖藜還舊笻成寒竹空齋向暮山

水流經一作過舍下雲去一作起到人間桂樹花應發因行寄

一攀

此詩二百七十卷重出今已削去注異同為一作

送朱山人放歸山陰

見三百十八卷

前人

入白沙渚寅緣二十五里至石室山下懷天台陸

山人

前人

遠嶼藹將夕翫幽行自遲歸人不計口流水閑相隨輟棹

石集作崖口捫蘿春景熙偶因廻洲次寧與前山期對此

瑤草色懷君嚙樹枝浮雲去寂寥集作白鳥相集作因依

何事愛高隱但令勞遠思窮年卧海嶠永望愁天涯吾亦
從君一作此去扁舟何所之迢迢江上帆千甲東風吹

宿關西客舍寄東山嚴許二山人時天寶初七月

初三日在學見有高道舉徵 岑參

雲送關西雨風傳渭水秋孤燈燃客夢寒杵擣鄉愁灘上
思嚴子山中憶許由蒼生今有望飛詔下林丘

寄華陰山人李剛

前人

君隱處當一星蓮花峯頭飯黃精仙人掌上演丹經鳥可
到人莫攀隱來十年不下山袖中短書誰為達華陰道士

讀藥還

送楊山人歸嵩陽

高適

不到嵩陽動十年舊家符心事已徒然一二故人不在

見三十六峯猶眼前夷門二月柳條色流鶯數聲浹沾塵
鑿井耕田不我招知君以此忘帝力山人好去嵩陽路唯

余眷眷長相憶

送帝山人

二字集作
少府

歸鍾山別業

李嘉祐

旗亭閱書罷

集作祈門
官罷後

負笈向桃源萬卷長開帙千山不

掩集作峯
不開

門綠楊垂野渡

一作
徑

黃鳥傍山村念爾能高枕

丹墀會一論

此詩二百七十卷重出今已削去

送陸鳴漸山人採茶廻

皇甫曾

千峯待逋客香茗復叢生採摘知深處煙霞羨獨行幽期

山寺遠野飯石泉清寂寂燃燈火相思一磬聲

贈強山人

即士元

或掉孤舟或杖藜尋常適集作意釣前溪草堂竹逕在何

處落日孤煙寒渚西

送王山人歸別業

集作送元晟歸洛山所居

皇甫冉

深山秋事

間氣集作意

早歸去意

集作後

何如浥露收新稼迎寒

葺舊廬題詩即招隱作賦足

集作是

閑居別後空相憶嵇康

懶寄書

集作讀書

此詩二百七十二卷重山山今已削去

送李山人還

前人

從來無檢束只欲老煙霞雞犬聲相應深山有幾家

送李山人還玉溪

顧況

好鳥共鳴臨水樹幽人獨欠買山錢若為種得千竿竹

取君家一眼泉

贈題帝山人

耿緯

失意成逋客終年獨掩扉無機狎鷗慣多病見人稀流水

知脩

一作行

藥孤雲伴採薇空齋暮還坐心事與時違

奉和張大夫詠高山人

司空曙

野客居鈴閣重門將校稀豸冠親藪弁龜印織集作荷衣

坐久寒泉

集作

爽談餘暮角微蒼生頂太傅山在豈容歸

送麴山人往

集作

衡山

前人

白石先生眉髮老

集作

已分緝

集作

雪飲紅漿衣巾半染

煙霞色集作氣語笑兼和藥草香茅洞玉聲流暗水衡山

氣集作色映朝陽千年城郭如相問華表峩峩有夜霜

暮叟坐心清身苦

良人休心

少言語小世出入國又買山遊昔為野骨十竿於

後本山人數王

詩八十二

隱逸三

詩八十二

山人三十三首

隱士四十二首

山人

送侯山人赴會稽

崔峒

仙客辭蘿月東中就一官且歸滄海住猶向白雲看

江天暮蟲聲野浦寒時遊鏡湖裏為我把魚竿

禁中送任山人

此人自青城獻伏火諸石恩命令於木山更取大還李秘

子去非長遠君恩取大還補天留彩石縮地入青山

千春一作年外來朝數月間莫拋殘藥物竊欲駐童顏

行藥前軒呈董山人

盧綸

不覺老將至瘦來方自驚朝昏多病色起坐有勞聲體一作
暖苦肌癢藏虛唯耳鳴桑公富露術一為保餘生

早行寄朱山人放

戴叔倫

山集作曉旅人去天高秋氣悲明河川上沒芳草露中衰

集作此別又萬集作千里少年能幾時青冥詩選作剡溪路

集作心與謝公期詩選作聊

贈李山人居

前人

此意無所欲集作靜閉門風景遲柳條將白髮相對共

絲

酬秦山人出山見呈

釋皎然

手携酒榼共書帙迴語長松我即歸若是出山機更一作

何事背君飛

尋李山人不遇

王建

山客長閑少在時溪中放鶴洞中碁生金有氣尋還遠仙

藥成窠見即移莫為無家陪寺宿一作應緣將米寄人炊

從頭石上留名去獨向峰前問老師

太山集作老人

張籍

日觀東邊集作幽客住竹巾藤帶亦逢迎暗脩黃籙無人

見深種胡麻共犬行洞裏仙家常獨往壺中靈藥自為名

春泉四面遶一作西茅屋日日唯聞杵臼聲

池上贈山人常君

白居易

新竹夾平流新荷拂小舟衆皆嫌拙好誰肯伴閑遊客爲

忙多去僧曰飯暫留猶憐帝處士盡日共悠悠

題施山人野居

前人

得道應無着謀生亦不妨春泥秧稻暖夜火焙茶香
水巷風塵少松齋日月長高閑真是貴何處覓侯王

贈王山人

前人

聞君減寢食日聽神仙說暗待非常人潛求長生訣
言長本對短未離生死轍假使得長生終能勝天拆
松樹千年朽槿花一日歇畢竟共虛空何須誇歲月
彭殤徒自異生死終無別不如學無生無生即無滅

送孫山人

姚合

山人言語質住世恨多時集作山翁來帝里不肯住多時
塵土衣相逢未有期肥林中愁不到城外老應遲
誼寂一為雜

寄崔之仁山人

前人

百門坡集作上住石屋兩三間日月難教化集作老妻兒乞

與閑仙方集作棟客示集作酒價集作煮金還何計能相

引集作終身得在山

贈王隱山人

于武陵

石室掃無塵人寰與此分飛來南浦樹半是華山雲浮世
幾多事先生應不聞寒川蒲西日空照鴈成群

送楮山人歸日本

賈島

懸帆待秋色去人杳冥間東海幾年別中華此日還岸遙

生白髮波盡露青山隔水相思在無書也是閑

贈劉山人

前人

二十年中服

集作

茯苓致書半是老君經東都舊住商人

宅南國新脩道士亭鑿井

集作

養蜂休買蜜坐山秤藥不

爭星古來隱者多能卜欲就先生問丙丁

送朴山人歸日本

釋無可

海際晚帆開應無鄉信催水從荒外積人指日邊迴望國

乘風久浮天絕島來儻因華夏使書禮

疑作

轉悠哉

送耿山人歸湖南

周賀

南行隨越僧別業幾池菱兩鬢已垂白

一作

五湖歸挂雪

夜濤鳴柵鎖寒葦露船燈去此已無事却來知未能

曉別呂山人

劉得仁

疎鐘煎漏盡曙色照青氛棲鶴出高樹山人歸白雲月盈

集作

期重宿丹熟

集作

約相分羨入秋風洞幽泉子細聞

別王山人

前人

昔其雖

集作其

自足未是祿榮親尚逐趨時伴多離有道

人山居衣以

集作

草生計藥隨

集作

身不食長無疾

集作

年知出

一作

十旬

集本皆不及此書

贈陶山人

前人

處士例營營嗟君縱此生閑能資壽考健不換公卿藥圃

妻同釋山田子共耕定知丹熟後無姓亦無名

送祖山人歸山

前人

偶來朝市笑浮雲却憶烟霞出帝城不說金丹能點化空
教弟子學長生壺中瀉酒看雲飲洞裏逢師下鶴迎料得
仙家玉牌上已鐫白日上昇名

贈王山人

許渾

貫酒携琴訪我頻始知城郭集作市有閑人君臣藥在寧憂
病子母錢成豈患貧年長每勞推甲子夜寒初共守庚申
近來聞說燒丹處玉洞桃花萬樹春

送徐山人歸睦州舊隱

雍陶

君在桐廬何處住草堂應與戴家隣初歸山犬翻驚主久
別沙集作工鷗却避人終日欲為相逐計臨岐集作常時空羨

送朴山人歸新羅

集作海東

馬戴

浩渺行無極楊帆但信風雲山過海畔集作半鄉樹入舟中
波定遙天出沙平遠岸窮集作蒙離心寄何處目斷曙霞東

題桐廬謝逸人

一作題廬峰謝山人

江居

方干

少小高眠一作民無一事五侯勳盛欲何如潮邊倚竹寒吟
苦石上橫琴夜醉多鳥自樹梢隨菓落人從窓外卸帆過
由來朝士為真隱可要棲身向薜蘿

贈唐山人

李洞

垂鬢長我髮七十黑如鬢醉取青天小吟情太華低房煖
離海日舟陷落潮泥蜀路無限往來琴自獨一作携

送劉山人歸洞庭

李頻

去意無人會唯應道是從半湖乘早月中路入疎鐘秋蓋
戶蟲急夜深山雨重當時將隱者分得幾株松

題簡山人

張喬

名利了無時何人暫詣師道情閑外見心地與來知竹落
忽穿葉松寒蔭井枝匡山許同社願卜挂帆期

贈別李山人

前人

分合老西秦年年夢白蘋曾為洞庭客還送洞庭人語別
情殘夜思歸愁見春滄浪濯纓處應念蒲衣塵

集作遙知泊舟
處沙月自相親

送謝山人歸江夏

陳陶

暮龍沙白雲起
春風三千里山人佳期碧江水携琴一醉楊柳堤

尋九華王山人

楊夔

下馬扣荆扉相尋春半時捫蘿盤磴險疊石渡溪危松夾
莓苔迳花藏薜荔籬卧雲情自逸名姓厭人知

題鄭山人郊居

前人

谷口今逢避世才入門瀟灑絕塵埃魚舟下釣乘風去藥
醞留賓待月開數片石從青嶂得一條泉自白雲來竹軒
相對無閑語盡日肆作南山不欲迴

隱士

招隱士逍遙公常夔

周明帝

六爻貞遁世三辰光少微頻陽讓逾遠一作穎陽去猶遠滄州去

一作不歸坐石窺仙洞乘槎下釣磯嶺松千仞直巖泉百

丈飛香動秋蘭佩風飄蓮葉衣聊登平樂觀遙想首陽薇

詎一作儻能同四皓來參余萬機一作皆藝文類聚

奉和趙王隱士 王褒

鳧鵠均長短鵬鷃共逍遙清襟蘊秀氣虛席蒲風颺斷絃

唯續葛獨酌只傾瓢菖蒲九重節桑薪七過燒

同前 庾信

洛陽徵五隱東都別二賢雲氣浮函谷星光集潁川霸陵

採樵路一作成都賣卜錢鹿裘披稍裂藜床坐欲穿阮籍

推類象長嘯稽康訝下絃澗險無平石山深足細泉一作

作百尺天一作少鶴已千年野鳥繁絃轉山花焰火燃

亭長識終見野人船

奉報窮秋寄隱士 前人

玉倪逢齧缺桀溺遇長沮藜床負日卧麥隴帶經鋤自然

曲木几無名科斗書聚花聊飼雀穿池試養魚小徑類聚

治澁路低田補壞渠秋水牽沙落寒藤抱樹踈空在平原作村

騎來過仲蔚廬

留贈山中隱士 周弘讓

行行訪名嶽處處必留連遂至一巖重灌木上參天忽見

茅茨舍暖暖類聚有人煙一士開門出一士呼我前相

看不道姓誰類聚知隱與仙作焉

策杖尋隱士

王績

策杖尋隱士行行路漸賒石梁橫澗斷土室映山斜
疑集作有舍威輦遂無家置酒燒枯葉披書坐落花
新垂滋水釣舊結茂陵置歲歲長如此方知輕世華

春日與裴迪過新昌里訪臣逸人不遇 王維

桃源一向絕風塵柳市南頭訪隱淪到門不敢題凡鳥看

竹何須問主人城外青山如屋裏東家流水入西隣閉戶

看集作書多歲月種松皆老作龍鱗集作皆作老龍鱗

尋白鶴巖張子膺隱處士集作張子容顏處士孟浩然

白鶴青巖半幽人有舊集作居階庭空水石林壑罷樵漁

歲月青松老風霜苦竹餘集作親茲懷舊業杖集作策逐

望終南山寄紫閣隱者 李白

出門見南山引領意無限秀色難為名蒼翠日在眼有時

白雲起天際自舒卷一作心中與之然託興每不淺何當

造幽人滅跡栖絕巘

尋龍井楊老 劉長卿

柴門草舍絕風塵空谷耕田學子真泉咽豈勞經隴地集

山深不覺有秦人手栽松樹蒼蒼老身卧桃源寂寂春

唯有胡麻當鷄黍白雲來往未嫌貧

山行尋一作尋隱者不遇 丘為

絕頂一茅茨直上三十里叩關無僮僕窺室唯案几一作

若非巾柴車應是釣秋水差池不相見
已俛空仰止草色新雨中松聲晚窓裏
及茲契幽絕自足盪心耳雖無賓主
意頗得清淨理興盡方下山何必見
一作待夫子一作皆文粹
送溫逸人集作垂白集作避松集作皆松
錢起
垂白無名老何年此陸沉丘園應得性
婚嫁不縈心歲計因山薄霞栖在谷
深設置連草色曝藥避松陰觸興雲生
岫隨耕鳥下林搯頤笑來客頭上有朝簪

此詩三百十七卷重出今已削去

送韋逸人歸鍾山

郎士元

逸人歸路遠弟子出山迎服藥顏猶駐
耽書癖已成柴扉多歲月藜杖見公卿
更作儒林傳應須載姓名

五老峰大明觀贈隱者

姚係見文粹

雲觀此山北與君携手稀林端涉橫水
洞口入斜暉乍覺鸞鶴邈忽為煙霧飛
故人清和客默會琴心微丹術幸可授
青龍當未歸悠悠平生意此日復相違

隱士

孟郊

本末一相返漂浮不還真山野多餒士
市井無飢人虎豹忌當道麋鹿知藏身
奈何貪競者日與患害親顏貌歲歲改
利心朝朝新孰知富生者一作榻取富
不取貧寶玉忌出璞出璞先為塵松栢
忌出山出山先為薪君子隱石壁道書
為我隣寢興思其義一作淡泊味始珍
陶公自放歸尚平去一作有依草木擇地
生禽鳥順性飛青青與冥冥所

保各不違

和盧常侍寄華山鄭隱者

張籍

獨憶

集作坐

三峯下年深學鍊丹一間松葉屋數片蘇

集作石

花冠酒待山中飲琴將洞內

集作裏又作口

彈開門移遠竹剪草

出幽蘭荒壁通泉架晴崖矚藥壇寧知騎省客長何白雲

看

寄紫閣隱者

前人

紫閣氣沉沉先生住處深有人時得見無路可相尋

集作夜

野鹿伴茅屋秋猿

一作園非

守栗林唯應採靈藥更不別經心

集作營心又作相侵

贈隱者

前人

道市井亦容身救病自行藥得錢多與人問

一作

不定傳法又非真每

一作常

見隣家

一作翁

說時聞

使鬼神

此詩二百二十九卷重出今已削去注異同為一作

贈新辟穀者

前人

學得食霞法逢人與小還身輕堪

集作曾

試鶴力弱未登

集作

離山無食犬猶

一作常

在不耕牛自閑朝朝唯盥漱

集作空漱水

叩齒草堂間

寄邢逸人

鄭常

羨君無外事日與世情違地僻人稀

一作難

到溪深鳥自飛

儒衣荷葉老野飯藥苗肥疇昔江湖意如今憶共歸

贈隱者已見二百卷

于鵠

懷西峰隱者

周賀

萬木藏峰色天寒望即愁高源何日去遠瀑入城流臘近

音溪一作書絕燈殘雲霰一作稠還當相憶處枕上苦吟休

送孫逸人

賈島

衣履集作猶同俗妻兒亦宛然不食能累月無病已多年

是藥皆諳性令人漸信仙杖頭書數卷荷入翠微煙

懷紫閣隱者

前人

寂寥思隱者孤竹集作坐秋霖梨栗猿喜熟雲山僧說深

寄書應不到結伴擬同尋廢寢方終夕迢迢一作沉沉紫閣心

題隱者居

前人

長不關片雲孤木伴身閑猶嫌住久人知

移家更上山

題孫逸人山居

杜牧

長懸青紫與芳枝塵刹一作無因免別離馬上多於在家

日罇前堪憶少年時關河客夢還鄉遠雨雪山程出店遲

却羨高人終此老軒車過盡不知誰

送隱者

前人

無媒逕路草蕭蕭自古雲林遠市朝公道世間唯白髮貴

人頭上不曾饒

寄題商洛王隱士居

許渾

近逢商洛客知爾一作南塘草閣平春水柴門掩夕陽尋蜂

夜野蜜隨麝拾集作採生香更憶前年別集作醉松花滿石床

題終南山隱者居

姚鵠

開門絕壑旁躡躡過花梁路入峰巒影風來芝木集作草香

夜吟明雪牖春夢閑雲房盡室更何有一琴共一觴

寄終南山隱者

薛能

海日東南出應開嶺上扉掃壇花入簞科竹露霑衣飯後

嫌身重茶中見鳥歸相思愛名者難說與親違

贈隱者

前人

自得高閑性平生向北棲月潭雲影短集作斷山葉雨聲齊

庭樹人書匝欄花鳥坐低相畱未不望集作忘經宿話丹梯

嵩陽隱者

李頻

常門看少室倚杖復披衣每日醒還醉無人是與非

抽讀亂庭果摘嘗稀獨有江山客思家未得歸

贈隱者

溫庭筠

茅堂對薇蕨爐煖一裘輕醉後楚山夢覺來春鳥聲採茶

溪樹綠煮藥石泉清不問人間事忘機過此生

贈華山

集作陰隱者

方干

少微夜夜當仙掌更有何人在此居花月舊交看浴鶴松

蘿本主集作自伴剛書素琴醉後集作去經宵枕衰髮寒來句

日梳故國多年歸未遂因逢此地憶吾廬

送隱者歸羅浮

李群玉

春山杳杳日遲遲露入雲峰白犬隨兩卷囊一作素書晉

酒一柯樵斧坐着碁蓬萊道士飛霞札清遠仙人寄好詩
自此塵寰音信斷山川風月未相思

題嵩高隱者居

鄭谷

豈易訪仙蹤雲蘿千萬重他年來卜隱此境願相容亂水
林前集作路深山望集作裏鍾見君琴酒樂迴首興懷慵

送張逸人

前人

人間踈散更無人浪兀孤舟酒兀身蘆笋鱸魚拋不得五
陵珍重五湖春

避世翁

陳陶

海上一策笠終年垂釣絲滄洲有深意冠蓋何由知立釣
不營魚蝸室無妻兒渴飲寒泉水肌食紫靈一作芝鶴

披瀝有高懷如澄陂嘗聞仙老言云是古鳴夷石竇陽
雨金潭養蛟螭乘槎上玉津騎鹿遊峨嵋以人為語默
世為雄雌茲馬乃磻溪豹變應須時自古隱淪客無非王

者師

題袁溪張逸人所居

羅隱

蒲梢獵獵鷺差池數里溪光日落時芳草集作文君機上
錦遠山孫壽鏡中眉雞窻夜靜開書卷魚檻春深展釣絲
若使浮名拘絆得世間何處有男兒

寄南城韋逸人

前人

杜甫詩中韋曲花至今無賴尚家家美人曉折露沾袖公
子醉歸香蒲車萬里丹青傳不得二年風雨恨無涯羨他

南澗高眠客春去春來任物華

寄喬逸人

前人

南經湘水集作浦北揚州別後風帆幾度遊春酒誰家禁

燠野花何處最淹留欲憑尺素邊鴻懶未定雕梁海鷺愁

長短此行須入手更饒君占一年休集作秋

羅浮山下書逸人壁

曹松

海上亭臺山下煙買時幽邃不爭錢莫言白日催華髮自

有冊砂駐少年漁釣未歸深竹裏琴壺猶戀落花邊可中

更踐無人境知是羅浮第幾天

文苑英華卷第二百三十二

詩八十五

寺院一塔附

梁武帝一首

陳後主一首

江總五首

劉孝先一首

庾信二首

蕭愨一首

孔德紹一首

徐伯陽一首

劉孝孫一首

王勃二首

盧照隣二首

駱賓王一首

沈佺期二首

宋之問九首

張說四首

蘇頌三首

張九齡二首

蔣渙一作煥一首

寇埴一首

寇垣一首

孫逖二首

天安寺疏圃堂

梁武帝

乘和蕩猶豫此焉聊止息連山去無限長洲望不極參差
照光彩左右皆春色曉暎暉遊絲出沒看飛翼其樂信忘
返條一作然寧有即

同江僕射遊攝山棲霞寺

陳後主

時宰磻溪心非關狎竹林鷺嶽青松繞雞峯白日沉天回
浮雲細山空明月深摧殘枯樹影零落古藤陰霜月夜鳥
去風露寒猿吟自可盡出俗詎是願抽簪

遊栖霞寺新雨集作時雨

江總

高入德抗志塵物表三空豁已悟萬有一何小始從情所
寄冥期諒不少荷衣步林泉麥氣涼昏曉乘風西冷冷候
月臨皎皎煙崖憇古石雲路排征鳥披逕憺森沉攀條惜
杳曩平生忘是非朽謝豈矜矯五淨自此生一作六塵庶
無擾

攝山栖霞寺山房夜坐簡徐祭酒周尚書共遊羣

彦

前人

澡身事珠戒非是學金丹月磴時橫枕雲崖宿解鞍梵宇
調心易禪庭數息難石澗水流靜山窻葉去寒君思北闕
駕我惜東都冠鬢愁夜鐘盡同志不盤桓

再遊栖霞寺言志

前人

靜心抱冰雪暮齒通疑桑榆太息波川迅悲哉人世拘歲
華一作皆採穫冬晚共嚴枯濯流濟八水開襟入四衢茲
山靈妙合當與天地俱石瀨乍深淺煙岸一作遞有無缺
碑橫古隧盤木卧荒塗行行備履歷步步憐威紆高僧迹
共遠勝地心相符樵隱各有得丹青獨不渝遺風佇芳桂
比德喻生芻寄言長往客悽然傷鄙夫

明慶寺

前人

十五詩書日六十軒昂年名山極歷覽勝地殊留連幽崖
聳絕壑初學記作壁 洞穴馮飛泉金河知證果石室乃安禪市
朝霑草露淮海桑田昨夜梵聞三界朝香徹九天山階步
月澗戶聽涼蟬初學記作何 言望鍾嶺更復切秦川

入龍丘巖精舍

前人

法堂猶集鴈倦竹幾成龍聊承卅桂馥遠視一作白雲峯
風窸穿石竇月牖拂霜松暗谷番征鳥空林徹夜鍾陰峰
未辨色疊樹豈知重溘此哀時命吁嗟世不容無由訪詹
尹何去復何從

和七名法師秋夜草堂寺禪房月下 劉孝先

幽人住山北月上一作照山東洞戶臨松徑虛窸隱竹叢
出林避炎影步逕一作逐涼風平雲斷高岫長河隔淨空
數螢流暗草一鳥宿踈桐興逸煙霄上神閑宇宙中還思
城闕下何異處樊籠

和周道王遊雲居寺

庾信

重巒千仞塔危磴九層臺石關還一作常逆上山梁作斗廻
階類聚作跗下雲峯出窻前風洞開隔嶺鍾聲應類聚作度中天梵
響來于時欣侍從於此共徘徊

奉和太寺浮圖

前人

苕苕陵太一作泰清照殿比東京長影臨雙闕高層出九城
拱積浮雲礙幡搖度鳥驚花一作鳳飛如始落一作適連合似
初生輪重對月滿鐸韻擬鸞聲畫水流全住圖雲色剎行
一作輕煙露晚一作露猶滴珠火朝更明雖連博望苑還接
銀沙城天香下殿桂仙梵入伊笙庶同八界樂一作庶八解樂
方遣六塵情一作皆藝

和崔侍中從駕經山寺

蕭愨

鉤陳夜驚徼河漢曉參一作縱橫遊騎騰文一作雲馬前驅轉
翠旌野禽喧曙色山樹動秋聲雲表金輪見巖端畫拱明
塔疑從地涌蓋似積香成泉高下溜急松古上枝一作梢平
儀容初學記作合多壯思麗藻蔚綠情白唾非照庶何以繼連
城

登白馬山護明寺

孔德紹

名嶽標形勝危峰遠鬱紆成象建環極大壯闡規模一作
層臺聳靈鷲南一作高殿邇陽鳥暫同遊閬苑還類入仙都
三休開碧嶺一作題萬戶動一作洞金鋪攝心罄前禮訪道把
中衢一作虛遙瞻盡地軸長望極天隅白雲起梁棟丹霞映

松檟露花疑濯錦泉月似沉珠今日桃源客相顧失歸塗

遊鍾山開善寺

徐伯陽

聊追鄴城友躡步出蘭宮法侶殊入世天花異俗中鳥聲不測處松吟未覺風此時超愛網還復洗塵蒙

遊靈山寺

劉孝孫

吾王遊勝地駮駕歷祗園臨風盡角憤曜日采旗翻永懷筌了義寂念啓玄門深溪窮地脉高嶂接雲根信美諸心賞幽桂一作且攀援曳裙欣扈從方悟屏塵諠

遊梵宇三學寺

王勃

杏閣披青磴瑤臺控紫岑葉齊山路逕一作花積野壇深一作羅幌栖禪影松門聽梵音一作處所音妙躡延賞一作滌

烟襟

觀佛跡寺

前人

蓮座神容儼一作松崖聖趾餘年長金跡淺地久石芝一作

文疎頽華臨曲磴傾影赴前除共嗟一作陵谷遠俄視化

城一作虛

石鏡寺

盧照隣

古墓芙蓉塔明神松栢煙鸞沉僊集作鏡底花沒梵輪前

銖衣千古佛寶月兩重圓隱隱香臺夜鍾聲徹九天

赤谷安禪師塔

前人

獨坐巖之曲悠然無俗紛酌酒呈丹桂思詩贈白雲煙霞

朝晚一作聚猿鳥歲集作時聞水華鏡秋色山翠含夕曛

五

高談十二部細數五千文如如數冥昧生生理氣集作氣

古人有糟粕輪扁情未分且當事芝朮從吾所好云

和王記室從趙王春日遊陁山寺 駱賓王

鳥旗陪訪道鷺嶺洽一作棲真四禪明靜業三空廣勝因

祥河踈疊澗慧日皎重輪葉暗龍舟密花明鹿苑春彫談

筌奧旨妙辯漱玄津雅曲終難和徒自奏巴人

樂城白鶴寺 沈佺期

碧海開龍藏青雲起鴈堂湖一作聲應法鼓雨氣濕天香

樹接前山暗溪承瀑水涼無言誦居遠清淨得空王

遊少林寺 前人

長歌遊寶地徒倚對珠林鴈塔丹青古龍池歲月深

處吟 落夕響碧砌集作殿下秋陰歸路烟霞遠集作晚山蟬集作處

遊韶州廣果寺 宋之問

影殿臨丹壑香臺隱翠霞巢飛銜一作象鳥砌蹋雨空花

寶鐸搖初霽金池映晚沙莫愁歸路遠門外有三車

宿清遠峽山寺 前人

香岫懸金刹飛泉界石門空山唯習靜中夜寂無喧說法

初聞鳥看心欲定徠寥寥隔塵事何異武陵源

遊法華寺二首 前人

薄遊京都日遙羨稽山名分刺江海郡謁來徵素情松路

洗心春象筵敷念誠薄雲解一作青嶂瞰一作日騫朱臺

苔澗一作深不測竹房閑且清感真六象見聖兆二鳥作
鳴古今信靈跡中州莫與京林嘯未栖業豈伊在一生
浮悟雖已久事試去來成觀念幸相續庶幾最後明

同前

前人

高岫擬耆闍真乘飲妙車空中結樓殿意表出雲霞後果
傳三足一作前因感取一作六牙宴林薰寶樹水涵溜
金沙寒谷梅猶淺温庭橘未華臺香紅藥亂塔影綠篁遮
果漸輪王族緣超梵帝家晨行蹋忍草夜誦得靈花江郡
將何匹天都亦未加朝來泛舟一作沿泛所應是逐僊查

遊雲門寺

前人

維舟深靜域作禮事尊經投跡一蕭散為心自杳冥
天尚穴樓倚少微星香嶂圍蘭若迴溪抱竹庭覺花塗砌
白井露洗山青鴈塔寄金地虹橋轉翠屏人天宵念影神
鬼晝潛形理勝常虛寂緣空自感靈入禪從鶴繞說法有
龍聽劫累終期滅塵躬豈暫寧搖尾不安寐待月詠崑崙

遊稱心寺

前人

釋事懷三隱清襟謁四禪江鳴潮未落林曉日初懸寶葉
交香雨金沙吐細泉望諸舟客趣思發海人煙顧櫪仍留
馬乘盃久棄船未遊龜負岳且識鳥耘一作田理契都無
象心冥不計筌安期庶可揖天地得齊年

秋晚遊普耀寺

前人

薄暮曲江頭仁祠暫可留山形無隱霽野色遍呈秋荷覆

香泉密藤纏集作綠寶樹幽平生厭塵事遇集作過此忽悠悠

題杭州天竺寺

前人

鷲嶺鬱岩堯龍宮隱寂寥樓看一作觀滄海日門聽浙江潮

桂子月中落天香雲外飄捫蘿登塔遠剡木取泉遙霜序

花更發冰溪葉未凋夙齡尚遐異搜對滌煩囂會入天台

裏看余渡石橋

宿雲門寺

前人

雲門若邪裏泛鷁路纔通夤緣綠篠岸遂得青蓮宮天香

衆壑滿夜梵前山空漾漾潭際月飄飄集作颺杉上風茲焉

多嘉遯數子今莫同鳳歸慨處士鹿化問一作聞僊公樵路

鄭州北學井阿巖東未夜豈云寐曙華忽菴龍谷鳥轉尚

山投剡中

清遠江峽山寺

張說

流落經荒外迢迢此梵宮雲峯吐日月集作白石壁淡煙虹

集作紅寶塔靈僊湧懸龕造化功天香涵竹氣虛唄引松風

簷牖飛花滿集作入廊堦集作房廊激水通猿鳴知山靜魚戲見

集作辨江空靜默將何貴所貴心境集作同

襄州景空寺題融上人蘭若

張說

高名出漢陰禪閣跨香岑衆山既集此圍遠長澗集作復

迴臨雲峯曉靈集作空變風水夜虛吟碧甃龍池滿蒼松虎

逕深舊知清巖意集作青備入冥管心何由侶飛錫從此

脫朝簪

漁湖山寺

前人

空山寂歷道心生虛谷迢

集作超

遙野鳥聲禪室從來塵外

賞春臺豈是世中情雲間東嶺千重出樹裏南湖一片明

若使巢由同

一作知

此意不將蘿薜易簪纓

遊龍山靜勝寺

前人

每上襄陽樓遙望龍山樹鬱弗吐岡嶺微芒

集作蒙

在煙霧

下車歲已成飾馬閑

集作閑

餘步苦霜衰

集作豪

野草愛日揚

紅

集作江

煦雲對石上塔風入松下路禪室宴三空仁祠圖

集作同

六趣兒童供戲

集作共

謔猿鳥相驚顧南識恒山

臺北亂先賢墓世上人何在時聞心不住唯

一作但

傳無遺

何似有情悟

武檐山寺

蘇頌

見集本

武檐獨蒼然墳山下至杲鬮靈時共蓋龍女事同遷松栢

銜哀處幡花種福田詎知晉鏡石長與法輪圓

慈恩寺二月半寓言

前人

二月韶春半三空齊景物獻來應有受滅盡竟無餘化迹

傳官寺歸誠謁梵居

一作問

殿堂花覆席觀閣柳垂疏共命

枝間鳥張生水上魚問津窺彼岸迷路得真車行密幽關

靜談精俗態祛稻麻欣所遇蓬蔴愴焉如不駐秦京陌還

題蜀郡輿愛離方自此迴望獨躊躇

利州北佛龕前

一無此字

重於去歲題處作

前人

重巖戴清美分塔題增集作起曾標蜀守經塗處巴人作禮朝
地疑三界出空是六塵銷卧石鋪蒼蘚行江覆綠條歲年
書有記非為學題橋

祠紫蓋山塗經玉泉諸山寺

張九齡

指塗躋楚望策馬傍荆岑稍稍松篁入泠泠澗谷深觀竒

逐幽映歷幽集作險一作嶠一作嶽上界投佛影中天揚梵

音焚香懺在昔禮足誓來今靈具有時集作若有對聖倦真集

其可尋高僧問逝者絕集作遠信是初心蘚駁集作剝經行處

猿啼宴坐林歸真已寂滅留跡豈埋沉法施自茲廣何云

千萬金

冬中至玉泉山寺窮陰冰閉崖谷無色集作

仲春行縣復往焉故有此作 前人

靈境信幽絕芳時重暄妍再來及茲勝一遇非無緣萬木

柔可結千花敷欲然松間鳴好鳥竹集作林下流清泉石壁

開精舍金光照法筵真空本自寂假有聊相宣復此灰心

者仍追巢頂禪簡書雖有畏身世亦俱捐

登栖靈寺塔

蔣煥一作

三休尋磴道九折步雲霓瀍澗臨江北郊原極海西沙平

灰步出樹遠綠楊低南指晴天外青峯是會稽

題瑩上人院

寇瑱

捨筏求香偈因泉演妙音是明捐倍網何獨一作必在山林

繚繞藤軒密逶迤竹徑深為傳同學志茲宇可清心

同皇甫兵曹天宮寺浴室新成招友人賞會

寇垣

溫室歡初就蘭交託勝因共聽無漏法
蕪濯有為塵水潔三空性香霑四大身
清心多苦友頌德慰同人

奉和崔司馬遊雲門寺

遜述

繫馬青溪樹禪門春氣濃香臺花下出
講坐竹間逢覺路山童引經行谷鳥從
更言窮寂滅迴策上南峯

和崔司馬登稱心山寺

前人

郡府乘休日王城訪道初覺花迎步履
香草藉行車倚閣觀無際尋山盡太虛
巖穴迷禹跡海靜望秦餘翡翠巢珠網
鷓鴣雜間綺疎地靈資降土水若護真
如寶樹誰攀折

自卷舒晴分五湖勢煙合九夷疑集作居生滅分無

臨已得魚嘗集作聞寶刀贈今日奉瓊琚

文苑英華卷第二百三十三

開寶八觀今日未變深
詩八十四

寺苑二塔附

詩八十四

王維十首

孟浩然八首

杜甫八首

李白三首

祖詠一首

丁儂芝一首

高適二首

蔡希寂一首

綦毋潛七首

宋昱一首

常建一首

王昌齡四首

陶翰一首

劉春虛一首

遊化感寺

王維

翡翠香煙合琉璃寶地平龍宮連棟宇虎穴傍簷楹谷靜

唯松響山深無鳥聲瓊峰當戶坼金澗透林明郢路雲端

迴秦川雨外晴鴈集作鳳王銜果獻鹿女蹈集作踏花行料撒

籜貧里歸依宿化城繞籬生野蕨空館發山櫻香飯青菰

萌作未嘉蔬綠笋莖集作紫芋羹誓陪清梵末端坐學無生

過化感寺曇興上人山院 前人

暮持筇竹杖相待虎溪頭催客聞山響歸房逐水流野花

藂發好谷鳥一聲幽夜坐空林寂松風直似秋

過福禪師蘭若 前人

巖壑帶松集作轉微又作帶茅逕雲林隱法堂羽人飛奏樂天一作仙

女跪焚香竹外峰偏曙藤陰水雨涼欲知禪坐久行路長

春日上方即事 前人

好讀高僧傳時看碎殺方鳩形將刻杖龜殼用支牀柳色

春山映梨花集作花明夕鳥藏北窓桃李下閑坐但焚香

遊悟真寺 前人又玄集作王緝

聞道黃金地仍依集作開白玉田擲山移巨石呪嶺出飛泉

猛虎同三逕愁猿學四禪買香燃綠桂乞火蹋紅蓮集作青蓮

草色搖霞上松聲泛月邊山河窮百二世界滿三千梵宇

聊平覽集作憑視王城遂渺然霸陵纔出樹渭水欲連天遠縣

分朱郭孤城集作村起白煙望雲思聖主披霧憶羣賢薄宦

慙尸素終身擬尚玄誰言草庵客曾和栢梁篇

登辯覺寺 前人

文苑英華 卷一百一十五

竹逕連集作初地蓮峯出化城窻中三楚靜集作林外集

上九江平嫩集作草承跌坐長松響梵聲空居法雲外觀

世得無生

資聖寺送其二

前人

浮生信如寄薄宦夫何有來往本無歸別離方正集作受

柳色諳春餘槐陰清夏首不學御溝上銜悲執盃酒

別弟縉後登青龍寺望藍田山 前人

陌上新別離蒼茫四郊晦登高不見君故人後雲外遠樹

蔽行人長天隱秋塞心悲宦遊子行處飛征蓋

藍田山石門精舍二首 前人

落日山水好漾舟信歸風集作不覺遠因以綠源

遠愛雲木秀初言集作疑路不同誰集作安知情流轉偶與前

山通

集本二詩共為一首

二

捨舟理輕策果然愜新適老僧四五人逍遙蔭松栢朝梵

林未曙夜禪心集作更寂道心及牧童世事聞樵客暝宿

長林下焚香卧瑤席澗芳襲人衣山月映石壁再尋畏迷

誤明發更登歷笑謝桃源人花紅復來覲

陪張丞相禮集作紫蓋山塗經玉泉諸寺

孟浩然

望秩宣王命齋心待漏行青襟列冑子從事有叅卿五馬

尋歸路雙林指化城聞鍾鹿門近照膽玉泉清皂蓋依林

孟浩然集 卷之四 詩 孟浩然 陪張丞相禮紫蓋山塗經玉泉諸寺

集作憇緇徒擁錫迎天堂集作宮上堯率沙界豁迷明欲就

終焉志雖謀計未成集作先聞人隨逝水一作波沒山逐一作

欲覆船一作舟傾想像若在眼周流空復情集本添此四句謝公還

欲卧誰與濟蒼集作羣生

臘月八日於剡縣石城寺禮拜 前人

石壁開金像香山繞集作倚鐵圍下生彌勒見迴向一心歸

松竹集作竹栢禪庭古樓臺世界稀夕嵐增氣色餘照發光輝

講席邀談柄泉堂施浴衣願承功德水從此濯塵機

題容山主二字集蘭若 前人

精舍買金地集作開流泉繞砌迴芰荷薰講席松栢繞集作映

香室法雨晴飛集作霏去天花晝下來一乘談未了集作

續騎夕陽催

宿萊集作紫師山房期丁大集作公不至 前人

夕陽度西嶺羣壑倏已暝松月生涼意一作夜涼風泉滿清聽

樵人歸欲盡磴一作煙鳥栖初定之子期未來孤宿集作琴候

蘿徑

同王九題就師山房 前人

晚憇支公寺故人逢右軍軒窓避炎暑翰墨動新文竹開

窓裏日集作竹蔽雨隨堦下雲周遊集作旋青陰遍吟卧夕

陽曛江靜榜集作棹歌歇溪深樵語聞歸塗未忍去携手戀

清芬

陪姚使君題惠上人房 前人

帶雪梅初暖含煙柳尚青來窺童子偈得聽法王經會理
知無我觀空厭有形迷心應覺悟客思不集作未違寧

雲門寺西六七里聞符公蘭若最幽與薛八同造

前人

謂余獨迷一作遊方逢子亦在野結交指松栢問法尋蘭若

小溪劣容舟惟石屢驚馬所居最幽絕所往集作住皆靜者

密篠夾路傍清泉流舍下集作雲簇興坐上人亦何問集作

聞塵念都集作俱已捨四禪合真如一切是虛假願承其

露潤喜得惠風灑依止此集作依山門誰願教集作誰立

也

疾愈過龍泉寺精舍呈易業二公 前人

薄午聞山鍾起行散集作送愁疾尋林採芝去轉谷集作

翠密傍見精舍開長廊飯僧非石梁集作流雪水金鳥集作

子又暉霜橘竹房思舊遊過憇終永日入洞窺石髓傍崖

採蜂蜜日暝辭遠公虎溪相送出

山寺 杜甫

野寺殘僧少山園細路高麝香眠石竹鸚鵡啄金桃亂石

通人過懸崖置屋牢上方重閣晚百里見纖毫

奉和裴十四迪新津山寺寄王侍郎即王蜀州 前人

何限倚山木吟詩秋葉黃蟬聲集古寺鳥影度寒塘風物

悲遊子登臨憶侍郎老夫探賞集作典日隨意宿僧房

題忠州龍興寺所居院壁 前人

忠州三峽內井邑聚雲根小市常爭道集作孤城早閉門
空看過客淚莫覓主人恩淹泊仍愁虎深居賴獨園

宿贊公房東京大雲寺
主講在安置

前人

杖錫何來久集作秋風已颯然雨荒深院菊霜倒半池蓮

放逐寧虧集作性虛空不離禪相逢成夜宿隴月向人圓

上兜率寺

前人

兜率知名寺真如會法堂江山有巴蜀棟宇自齊梁庾信
衰雖久何顛好不忘白牛車遠近且欲上慈航

秦州雜詩

前人

秦州城北寺勝跡隗囂宮苔蘚山門古丹青野殿空月明
舊葉露雲逐度溪風清渭無情極愁時獨向東

法鏡寺

前人

身危適他州勉疆終勞苦神傷山行深愁破崖寺古嬋娟
碧蘚集作淨蕭槭寒籥聚回回石根水冉冉松上雨洩雲
蒙清晨初日翳復吐朱甍半光烟戶牖粲可數拄策忘前
期出蘿已亭午冥冥子規叫微逕不敢復集作取

同諸公登慈恩寺塔

前人

高標跨蒼天一作烈風無時休自非曠士懷登茲翻百憂
方知象教力立集作可追冥搜仰穿龍地窟始驚集作枝

撐幽七星在北戶河漢聲西流羲和鞭白日少昊行青秋
秦山忽破碎涇渭不可求俯視但一氣焉能辨皇州迴首
叶虞舜蒼梧雲正愁惜哉瑤池宴集作日晏崑崙丘黃鸝

去不息哀鳴何所投君看隨陽鴈各有稻梁謀

秋夜宿龍門香山寺奉寄王方城十七丈國瑩上

人從弟幼成令問

李白

朝發汝海東暮棲龍門中水寒夕波急木落秋山空望極
九霄迴賞幽萬壑通目浩沙上月心清松下風玉斗生網
戶銀河耿花宮興在趣方逸歡餘情未終鳳駕憶王子虎
溪懷遠公桂枝坐簫瑟棣華不復同流恨寄伊水盈盈焉
可窮

泝夜即求華寺寄潯陽羣官

前人

朝別凌煙樓賢豪滿行舟暝投求華寺宿散予獨醉願借
九江流添成萬一作兩行淚寫意寄廬嶽何當來此地天

有所懸安得著愁思

廬山東林寺夜懷

前人

我尋青蓮宇獨往謝城闕霜清東林鍾水白虎溪月天香
生虛空天樂鳴不歇宴坐寂不動大千入毫髮湛然真自
心曠劫斷出沒

題遠公經臺

祖詠

蘭若無人到真僧出復稀苔侵行道席雲濕出禪衣潤一作
溪鼠緣香案山蟬噪竹扉世間長不見寧止暫忘歸

和薦福寺英公新構禪堂

丁儂芝

上人久棄世中道自忘筌寂照出羣有了心清衆緣所成
於此地築館開青蓮果藥羅砌一煙虹垂戶前呪中灑其

露指處流香泉神遠日無事體清宵不眠枳開廬山法松
入漢陽禪一枕四山外虛舟常浩然

宿開善寺贈陳十六

高適

駕車出入境避暑投僧家徘徊龍象側如見香林花讀書
不及經飲酒還勝茶知君悟此理所未披袈裟談空忘外
物持誠破諸邪則是無心地相知集作唯月華相看

發廣陵栖靈寺塔

前人

淮南富登臨茲塔信奇最直上造雲族憑虛納天籟迥然
碧海面獨立飛鳥外始知高興盡適與賞心會連山黯吳
門喬木吞楚塞城池滿集作下物華集作歸掌內遠思駐江
帆暮情結春靄軒車疑集作動造化資大塊何必了無身然

登福先寺上方然公禪室

蔡希寂

名都標佛刹萬構臨河干舉目上方峻森森青翠攢步登
諸劫盡忽造浮雲端當暑敞扃闔一作扃闔却嫌締綌寒禪
房最高頂靜者殊閑安疎雨向空城數峰簾外盤午鍾振
衣坐招我同一食真味雜飴露衆香唯蒹蘭晚來恣偃俛
茶果仍留歡

題鶴林寺

綦毋潛

道門集作隱形勝向背臨層霄集作行法橋松覆山殿冷花藏
溪路遙珊珊寶幡挂焰焰明燈燒遲日半空谷春風連上
潮少憑集作水木興集作添集作身心調願謝携手客茲

山禪誦饒

題栖霞寺

前人

南山勢迴合靈境依此住殿轉雲崖陰僧採石泉渡龍地
爭翕習神鬼皆密護萬壑奔道場羣峰向雙樹天花飛不
著水月白成路今日觀我身歸心復何處

登天竺寺

前人

郡有化城最西窮疊嶂深松門當澗口石路在峰心幽見
夕陽霽高逢暮雨陰佛身瞻緝髮寶地踐黃金雲向竹溪
盡月從花洞臨因物成真悟遺世在茲

宿龍興寺

前人

香剎夜忘歸松青古殿扉燈明方丈室珠繫比丘衣
青蓮喻法微天花落不盡處處鳥銜飛

題爭林

集作招隱

寺山頂禪院

前人

招提此山頂下界不相聞塔影挂清漢鍾聲扣集作和白雲
觀空靜室掩行道眾香焚且駐西來集作東駕人天日未曛

題招隱

集作約

公房

前人

開士度人久空山花霧深徒知宴坐處不見有為心蘭若
門對壑田家路隔林還言溢集作溢法性歸去比黃金

過上人蘭若

前人

山頭禪室挂僧衣窗外無人溪鳥飛黃昏半在山下路却
聽鐘集作松聲連翠微

題石窟寺即魏孝文之所置

宋昱

梵宇開金地香龕鑿鐵圍影中羣象動空裏眾靈飛簾作
簷牖籠朱旭房廊鍊翠微瑞蓮生佛步寶步挂天衣邀福
功雖在興王代久非誰知雲朔外更覩化胡歸

題破山寺後禪院

常建 見文粹

清晨入古寺初日曜 一作明 高林竹逕通幽處禪房花木深

山光悅鳥性潭影空人心萬籟此都寂但餘鍾磬音

過香積寺

王昌齡

不知香積寺數里入雲峰古木無人徑空山何處鍾泉聲
咽危石日色冷青松薄暮空潭曲安禪制毒龍

與蘇盧二員外期遊丈八寺而蘇不至因有此作

前人

共仰頭隨行能忘世諦情迴看雙樹闕相去一牛鳴
空林說心隨寶地平手中花體淨香帔稻畦成問道邀同
舍相期宿化城安知不來徃翻得似無生

洛陽尉劉晏與府縣諸公茶集天宮寺岸道人房

前人

良友呼我宿明月懸天宮道安風塵外灑掃青林中削去
府縣理豁然神機空自從三湘還始得今夕同舊居太行
北遠官滄海東各有四方事白雲處處通

香積寺禮萬迴平等二聖僧塔 前人

俱無御化來借有乘化歸如彼雙塔內孰能知是非愚也
駭蒼生聖哉為帝師當時特世出不由天地資萬迴主此

方平等性無違今我一禮心億劫同不移蕭蕭松栢下諸
天來有時

宿天竺寺

陶翰

松栢亂巖石西山微徑通天關一峰見宮闕生虛空正殿
倚霞一作壁千樓集作上方標石叢夜來猿鳥靜鍾梵響雲中
峰翠映湖月泉聲亂溪風心超諸境外了與懸解同明發
氣候改起視長崖東湖色濃蕩滌海光漸朦朧葛僊迹尚
在許氏道猶崇獨徃古今事幽懷期二公

登廬山峰頂寺

劉昶虛

孤峰臨萬象秋風氣何清高庭際南郡出林端西明一作
南郡出林山門二緇叟振錫聞幽聲心照有為界業懸前
後生徒一作知真機靜尚與愛網弁方首金門路未違

道情

文苑英華卷第二百三十四

詩八寸
金門
卷第二百三十五

寺院三

附塔

劉長卿十首

李頎二首

崔曙一首

張謂二首

岑參五首

包佶一首

李嘉祐四首

皇甫曾三首

皇甫冉三首

張繼一首

韓翃四首

褚朝陽一首

郎士元二首

顧况四首

耿緯三首

司空曙六首

冷朝陽二首

李益二首

李端四首

過隱空和尚故居

劉長卿

自從飛錫去人到沃州稀林下期何在山中春獨歸蹋花

尋舊徑映竹掩空扉寥落東峰上猶堪靜者依以下九篇並見集本

秋夜雨中諸公過靈光寺所居 前人

晤語青蓮合重關閉夕陰向人寒燭靜帶雨夜鍾深流水

從他事孤雲任此心不能捐斗粟終日愧瑤琴

秋夜北山精舍觀體如師梵 前人

焚香奏仙唄向夕遍空山清切兼秋遠威儀對月閑靜分

巖響答散逐海潮還幸得風吹去隨人到世間

自道林寺西入石路至麓山寺過法崇禪師故齋 前人

僧候谷口石路掃集作拂莓苔深入泉源去遙從樹杪廻

香隨青鶴散鍾過白雲來野壑空齋掩嵐集作山風古殿開

桂寒知自發松老問誰栽惆悵湘江上何人更度盃

登思禪寺題上方 前人

西峰上方處臺榭隱朦朧集作上方幽且遠磬秋山裏青

集作清猿古木中衆溪連竹路諸嶺共松風儻許棲林下井

成白首翁

宿北山於禪寺集作蘭若二字 前人

上方鳴夕磬林下一僧還密行傳人少禪心對虎閑青松

臨古路白月滿寒山舊識窓前桂經霜更待攀

集梁耿開元寺所居院

前人

到君幽卧處為我掃莓苔花雨晴天集作無時落松風終日來
路經深竹過門向遠山開豈得長高枕中朝正用才

將赴嶺外畱題蕭寺遠公院寺即梁朝蕭內史

前人

竹房遙閉上方幽苔蘚集作徑蒼蒼訪昔游內史舊山空日

暮南朝古木向人秋天香月色同集作空僧室葉落猿啼

集作送又作傍客舟此去播遷明主意白雲何事苦集作欲相留

陪元侍御集作即遊支硎山寺 前人

支公去已久寂寞龍華會古木閑空山蒼然暮相對林

非一狀水石有餘態密竹藏晦明群峰爭向背峰峰帶

日步步入青靄香氣空翠中猿聲暮雲外留連南臺
像西方內因逐溪水還觀心兩無礙

登揚州栖集作西靈寺塔 前人

化塔凌虛空雄規壓川澤亭亭楚雲外千里看不隔遙對

黃金臺浮輝亂相射盤梯一作根接元氣半壁棲夜宅集作岷

稍登諸級盡若騁排霜集作霄翻向是滄波人已為青雲客

雨飛千拱霽日在萬家夕鳥處高却低天涯遠如迫江流

入空翠海嶠現微碧向暮期下來誰堪復行役

無名上人東林禪居 李頎

草堂每多暇時謁山僧門所對但群木終朝無一言我心

愛流水此地臨清源含吐山上日蔽虧松一作雲外村孤峰

隔身世百衲老寒暄禪戶積朝雪花龕來暮依顧余守耕
稼十載隱田園蘿蔕慰春波巖潭恣討論洩雲豈知限至
道莫探元且願落開籥於焉微尚存

宿香山寺石樓

前人

夜宿翠微半高樓聞時泉漁舟帶遠火山磬發孤煙殿壯
一作雲松外門清河漢邊峰巒低枕席世界接人天靄靄
花出霧輝輝星映川東林曙鷺滿惆悵欲言旋

宿大和尚塔贈如上人兼呈常孫二山人

崔曙

支公已寂滅影塔山上古更有真僧來道場救諸苦一乘
微妙法寓宿清淨土身心能自觀色相了無取森森松映
月冥冥雲近戶嶺外飛雪明夜來前山雨燃燈見棲鶴作
微聞信鼓曉霽南軒開秋華淨天宇願言出世塵謝爾

公甫

同諸公遊雲公禪寺

張謂

共許尋鷄足誰能惜馬蹄長空淨雲雨斜月半虹蜺簷下
千峰轉窓前萬木低看山尋徑遠聽鳥入林迷地與喧卑
隔人將物我齊不知樵客意何事武陵溪

長沙失火後戲題蓮花寺

前人

金園寶刹半長沙燒劫旁延一萬家樓殿物隨煙焰盡火
中何處有蓮花

同崔三十侍御灌口夜宿報恩寺

岑參

聞君尋野寺夜一作便宿支公房溪月冷深殿江雲擁廻廊

燃燈松林靜煮茗柴門香勝事不可接相思幽興長

雪後與群公過報

集作

恩寺

前人

乘興忽相招僧房暮與朝雪融雙樹濕紗閉一燈繞竹林

山低塔藤間院接

集作

橋歸家好欲懶倍慮向來銷

上嘉州青衣山中峯題惠淨上人幽居寄兵部楊

郎中

前人

青衣誰開鑿獨在水中央浮舟一躋攀側逕綠穹蒼絕頂

詣高僧豁然登上方諸嶺一何小三江奔茫茫蘭若向西

開峨嵋正相當猿鳥樂幽落松蘿泛天香江雲入袈裟山

月吐繩床早知清淨理又乃機心忘尚以名宦拘聿來夷

猿解吾友不可見鬱為尚書郎早歲愛丹經番心向青

翠取雲智遠幽幽海懷長勝賞難與俱引領遙相望為

愧無術分憂幸時康君子滿天朝老夫憶滄浪况值廬山

遠抽簪歸法王

登嘉州凌雲寺作

前人

寺出飛鳥外青峯戴朱樓搏壁躋半空喜得登上頭始知

宇宙濶下看三江流天晴見峨嵋如向波上浮迴曠煙景

豁陰森櫻柵稠額割區中綠水從塵外遊迴風旋虎穴飛

雨當龍湫僧房雲濛濛夏月寒颼颼迴合俯近郭寥落見

遠舟勝槩無端倪天宮可淹留一官詎足道欲去令人愁

終南雲際精舍尋法澄上人

前人

昨夜雲際宿適從西風迴不見林中僧微雨潭上來諸峯

皆晴翠秦嶺獨不開石鼓有時鳴秦王安在哉水深斷山口
吼沫相喧飈噴壁四時雨傍村終日雷北瞻長安道只
夕生塵埃若訪張仲蔚衡門映蒿萊

雙山逢信公所居

包佶

遙禮前朝塔微聞後夜鍾人間第四祖雲裏一雙峯積雪
封苔逕多年亞石松傳心不傳法誰可繼高蹤

奉陪韋潤州游鶴林寺

李嘉祐

按文苑英華共有二詩並題作奉陪韋潤州游鶴林
寺今觀李嘉祐集其一篇乃是潤州楊別駕宅送將
侍御收兵歸揚州詩兼已收入第二百七十一卷送
行門中英華誤抄于此姑存其目

奉陪韋潤州游鶴林寺

前人

野寺江城近雙旌五馬過禪心超忍辱梵語問多羅松竹

關僧老雲煙晚日多

集作和

寒塘歸路轉清磬隔微波

同皇甫侍御題薦福寺一公房

前人

虛室獨焚香林空靜磬長閑窺數竿竹老在一繩床啜茗
翻真偈燃燈繼夕陽人歸遠相送步履出迴廊

題道虔上人竹房

前人

詩思禪心共竹閑任他流水向人間手持如意高窓裏斜

日江邊

集作沿江千萬山

奉和陪韋中丞使君游鶴林寺

皇甫曾

古寺傳燈久層城閉閣閑香花同法侶旌旆入深山寒磬

虛空裏孤雲起滅間謝公憶高卧徒望集作仰欲東集作志還

贈吳門邕上人院

前人

春山臨集作唯一室獨坐草萋萋身寂心成道花開鳥自啼

細泉松逕裏返景竹林西晚與門人別依依出虎溪

此詩二百十九卷重出今已削去

題普門上人房

前人

支公身已老長在沃洲多慧力堪傳教禪功久伏魔雲山
隨坐夏江草伴頭陀借問一作心者賢愚去幾何

題昭上人房

皇甫冉

沃洲傳教後百衲老空林慮盡朝昏磬禪隨坐卧心鶴鷺

湖潭迥門閉野雲深願一作與天台接中峰早晚尋

揚州寺送闍梨官還江州

前人

別那逢秋氣悲東林更作上方期共知客路浮雲外
愛僧房墜葉時長江九派人歸少寒嶺千重鴈度遲借問
尋陽在何處每看潮落一相思

訓裴補闕吳寺見尋

前人

東林初結構已有晚鍾聲窓戶背流水房廊半架城遠山
重疊見芳草淺深生每與君携手多煩長老迎

安公房問法

張繼

流年一日復一日世事何時是了時試向東林問禪伯遣
將心地學琉璃

同中書劉舍人題青龍上房

韓翃

文苑英華

西掖歸來後東林靜者期遠峰春雪裏寒竹暮天時笑問

集作金人偈閑聽寶月詩更憐茶興在一作藥興好出下方遲

題薦福寺衡岳煉師房

前人

春城乞食還高論此中閑僧躡階前樹禪心江上山踈簾

看雪捲深戶映花關晚送門人出鍾聲杳靄間又玄集作

題僧房

前人

披衣聞客至關鎖此時開鳴磬夕陽盡捲簾秋氣集作來

名香連竹逕清梵出花臺身在心無住他方到幾迴

題青龍寺澹然師房

前人

雙林彼上人詩興轉相親竹裏經聲晚門前山色春卷

苔點淨下筋藥苗新記取無生理歸來問此身

題少室山寺

褚朝陽

飛閣青霞裏先秋獨早涼天花映窻近月桂拂簷香華岳

三峰少黃河一帶長空間指歸路煙際有垂楊

酬王孝友秋夜宿露臺寺見寄 卽士元

石林精舍虎溪中夜扣禪扉憶遠公月在上方諸品靜心

持半法一作偈萬緣空蒼苔古道行應徧落木寒泉聽不窮

更憶雙峰最高頂此心期與故人同

柏林寺南望

前人

溪上遙聞精舍鍾泊舟微徑渡深松青山霽夜雲猶在盡

出西南四五峰

鄱陽大雲寺一公房

顧况

文苑英華

卷八

盡日陪游處斜暉竹院清定中觀有漏言下證無生色界
聊傳法空門不用情欲知相去近鍾鼓兩聞聲

題歙山棲霞寺

前人

明徵君舊宅陳後主題詩跡在火亡處山空月滿時寶鏡
無破響道樹有低枝已是傷離客仍逢靳尚祠

經廢寺

前人

不知何世界有處似南朝石路無人掃松門被火燒斷幡
猶挂剎故板尚堵橋數卷殘經在多年字欲銷

獨游青龍寺

前人

春風入香剎暇日獨游行曠然蓮花臺作禮月光西乘茲
第公識出彼超二見擺落區中緣無邊廣弘願長師朝

龍首橫天堰蟻步避危階蠅飛響深殿大通智勝佛

劫道場現

題莊上人房

已見二百二十二卷

耿緯

廢慶寶寺

前人

黃葉前朝寺無僧寒

一作殿

開池晴龜出暴松暝鶴飛廻

古井碑橫草陰廊盡雜苔禪宮亦銷歇塵世轉堪哀

雨中宿義興寺

前人

暹夜宿東林蟲聲階草深高風初落葉多雨未歸心家園
身猶負星霜鬢已侵滄洲縱不去何處有知音

早春遊報慈

集作慈

恩寺南池

司空曙

山集作出寺臨池水
春愁望遠生
踏橋逢鶴起
尋竹值泉橫
新柳絲猶短
柔集作輕蘋葉未成
還如虎溪上
日暮伴僧行

送曹三原猗遊山寺
前人

山踏青蕪盡
涼秋古寺深
何時得蓮葉
此夜更聞琴
窮水
嘗向穴過僧
虎共林慙慙
如念我遺爾
挂冠心

宿青龍寺故曇上人院
前人

年深宮院在
舊客自相逢
閉戶臨寒竹
無人
有夜鍾
降龍
今已去巢鶴
竟何從
坐見繁星曉
淒涼識舊峰

秋喜廬綸同宿寺
已見二百十七卷
前人

題靈雲寺
前人

赤山古寺遶滄波
石磴盤空鳥道過
百丈金身開翠殿
燈燭開煙蘿
雲生客到侵衣濕
花落僧禪覆地多
不
方袍同結社
下歸塵世竟如何

題棟上人院
前人

閉門不出自焚香
擁褐看山歲月長
雨後綠苔生石井
秋來黃葉徧繩床
身閑何處無真性
年老曾來集作言隱故鄉
更說木師同學在
幾時携手向集作見衡陽

同張深秀才遊華嚴寺
冷朝陽

同遊雲外寺
渡水入禪關
立掃窓前石
坐看池上山
有僧飛錫到
留客話松間
不是緣名利
好來長伴閑

宿栢巖寺
前人

幽寺在巖中行
唯一逕
通客吟孤嶠
月蟬噪數枝
風秋色

生苔砌泉聲入梵宮吾師修道處不與世間同

入南山至金師蘭若

李益

木落水歸壑寂然無始心南行有真子被褐息山陰石路
瑤草散松門寒景深吾師亦何受自起定中吟

與王楚同登青龍寺上方

前人

連岡出古寺流睇移芳讌鳥沒漢諸陵草平秦故殿搖光
淺深樹拂木參差鷲春心斷易迷遠日傷難徧壯日各輕
年暮年方自見

同皇甫侍御題惟一上人房

李端

焚香居一室盡日見空林得道歸集作輕年暮安禪愛夜深

東西皆是夢存歿豈關心唯羨諸童子通持經在竹

同裴員外宿薦福寺僧舍

前人

清安秋興動涼夜宿僧房倚杖雲離月垂簾竹有霜暗集作

迴風生遠逕墜集作墜葉蟻長廊一與交親會空貽別後傷

宿深上人院集作房聽遠泉

前人

泉聲宜遠聽入夜對支公斷絕來方盡潺湲咽又通何年

出石下幾里在山中君集作若問窮源處禪門集作心與此同

題雲際寺準公房

前人

高僧居處似天台錫杖銅餅對綠苔竹巷雨晴新鳥囀山
房日午老人來園中鹿過椒枝動潭底龍游水沫開獨夜
燃香禮遺像空林月沒始應迴

宿報恩寺精舍

暢當

鍾梵送沉景星多露漸光風中蘭靡靡月下樹蒼蒼夜殿
若山橫深松如澗涼羸然虎溪子遲我一虛床杳杳空寂
舍濛濛蓮桂香擁榻依西壁紗燈靄中央

英華卷第二百三十五

文苑英華卷第二百三十六

詩八十一

寺院四

附塔

盧綸八首

韋應物七首

嚴維三首

戴叔倫二首

崔峒六首

權德輿二首

戎昱一首

李涉二首

張暈一首

李正封二首

羅炯一首

朱放二首

徐嶷一首

房融一首

劉三復一首

于鵠三首

陳潤一首

朱長文一首

釋靈一八首

釋皎然十首

王建二首

春日陪李庶子遵善寺東院曉望 盧綸

映竹水橫田集作分當山起鴈群陽峯高對寺陰井下通雲

雪盡集作唯逢鶴花時此見君由來禪誦地多有諸公文

宿澄集作上人院 前人

竹窓聞遠水月出似溪中香覆經年火幡飄後夜風性昏

知道晚學淺喜一作言同一悟歸身處何山路不通

同崔峒慈恩寺避暑 前人

寺涼高樹合卧石綠雲中伴鶴慙仙侶依僧學老翁魚沉

荷葉露鳥散竹林風始悟塵居者應將大宅同 前人

題雲際寺上方 前人

南羅蔓輕中有石床平下界水長急上方燈自明空闕

不易塔初地本無程迴步忽山盡萬緣從此生 前人

寶泉寺送李益端公歸邠寧幕 前人

參差巖嶂東雲日晃龍宮石淨非因雨松涼不為風戀泉

將鶴並偷果與猿同眼界塵雖染心源蔽一作已通蓮花

國何限貝葉字無窮早晚登麟閣茲門欲付公 前人

登西集作巖寺 前人

林香雨氣新山寺綠無塵遂結雲外侶集作共遊天上春

鶴鳴金閣麗僧話集作竹房隣待月水流急惜花風起頻

何方非壞境此地有歸人迴首空門外皤然一幻身

宿定陵寺寺在陵內

前人

古塔荒臺出禁牆
磬聲初盡漏聲長
雲生紫殿幡花濕
月照青山松栢香
禪室夜聞風過竹
一作莫建朝塔露霑裳
誰悟威靈同寂滅
更堪砧杵發昭陽

夜投豐德寺謁海集作上人上人 前人

半夜中峯有磬聲
偶尋樵者問山名
上方月晚集作日曉聞鐘話一作下路林疎見客行
野鶴巢邊松最老
毒龍潛處水偏清
願得遠公知姓字
焚香洗鉢過浮生

遊開元精舍 韋應物

夏衣始輕體遠集作遊步愛僧居果園新
雨後香臺照日初
綠陰生畫寂
孤花表春餘
符竹方為累
形跡一來疎

寓居永定精舍 前人

政拙忻罷守
閑居初理生
家貧何由往
夢想在京城
野寺霜露月
晨興羈旅情
聊租二頃田
方課子弟耕
眼暗文字廢
身閑道心清集作精即與人群遠
豈為集作謂是非嬰

與盧陟同遊永定寺北池僧舍集作齋 前人

竹逕集作密竹行已遠
子規啼更深
綠池芳草氣
寒齋春樹陰
暗絲集作晴蝶飄蘭徑
游蜂繞花心
不遇君攜手
誰復此幽尋

荅河南李士巽題香山寺 前人

洛都游宦日
少年携手行
投杯起芳席
物轡振華纓
關塞有佳氣
巖開伊水清
攀林憇佛寺
登高望都城
蹉跎二十載
世務各所營
茲賞長常一作在夢故人安
得并前歲守九

江恩召赴咸京因塗再登歷山河屬晴明寂寞僧侶少蒼
茫林木成牆宇或崩剝不見舊題名舊遊沉沉沒獨此流
交橫交橫誰與同書壁貽友生今茲守吳郡綿思方未平
手復經陳跡一感我深情遠蒙惻愴篇中有金玉聲反覆
終難答金玉尚為輕

藍田

集作精舍

前人

石壁精舍高排雲聊直上佳游悵始願忘險得前賞崖傾
景方晦谷轉川如掌綠林含蕭條飛閣起弘敞道人上方
至深夜還獨徃月落群山陰天秋百泉聚一作響所嗟累已
成安得長偃仰

澄秀上座院

前人

西南隅鳥聲轉幽靜秀公今不在獨禮高僧影
未收何人適煮茗

行寬禪師院

前人

北望極長廊斜扉掩叢竹亭午一來尋院幽僧亦獨唯聞
山鳥啼愛此林下宿

奉和獨孤中丞游雲門寺作

嚴維

絕壑開花界耶溪極上源光輝三獨一作石座登陟五雲門
深木鳴駟馭晴山曜武賁亂泉親坐卧踈磬發朝昏蒼翠
新秋色莓苔積雨痕上方看度鳥後夜聽吟猿異跡焚香
對新詩酌茗論歸來還捨俗諸老莫攀轅

奉和皇甫大夫夏日遊花巖寺

時大夫昆季同行

前人

初地花巖會王家少長行到宮龍節駐禮塔鴈成行蓮界
千峯靜梅天一雨清禪庭未可戀聖主寄蒼生

宿法華寺

前人

一夕雨沉沉哀猿萬木陰天龍來護法長老密看心魚梵
空山靜紗燈古殿深無生久已學白髮浪相侵

遊清溪蘭若

兼隱者
舊居

戴叔倫

西看疊嶂幾千重秀色孤標此一峯丹竈久閑荒宿草碧
潭深處有潛龍靈仙已去空巖室一作到客唯聞古寺鐘

遠對白雲幽隱在年年一作不離舊杉松

題武當逸禪師蘭若

前人

我生本似遠行客況是亂時多病身經山涉水向何處
是竹材禪定人

宿禪智寺上方演大師院

崔峒

石床一作高幾許金刹在中峯白日空山梵清一作霜後
夜鍾竹窻迴翠壁苔徑入寒松幸接無生法疑心怯所從

題空山人石室

前人

早晚悟無生頭陀不到城雲山知夏臘猿鳥見修行地僻
無溪路人尋逐水聲年年深谷裏誰識遠公名

登蔣山開善寺

前人

山殿秋雲裏香煙出翠微客尋朝磬食一作僧背夕陽歸
下界千門見前朝萬事非看心兼送目葭菼暮依依

題崇福寺禪院

前人

僧家更無事掃地與焚香清磬度山翠閑雲來竹房身心
塵外遠歲月坐中長向晚禪室閉無人空夕陽

題蘭若

前人

絕頂茅菴老此生寒雲孤木獨經行世人那得知幽逕遙
向青峯禮磬聲

秋夜

前篇作晚

招隱寺東峯茶宴送內弟

前人

前篇作李嘉祐

與沈十九拾遺同游栖霞寺上方夜於亮上人院

會宿二首

權德輿

躡山標勝絕暇日諧想矚紫紆松路深繚繞雲巖曲重樓

迴樹杪古像鑿山腹人遠水木清池

集作地

深蘭桂覆層臺

金碧絕頂摩淨綠下界誠可悲南朝紛在目焚香入

殿待月出深竹稍覺天籟清自傷人世促宗雷此相遇

放隨

集作從

所欲清論月輪

集作松枝

低閑吟茗花熟一生如土

梗萬慮相桎梏求願事潛師窮年此棲宿

二

偶來人境外心賞幸隨君古殿煙霞夕深山松桂薰巖花

點寒溜石磴掃春雲清淨諸天近誼塵下界分名僧康寶

一作保

月上客沈休文共宿東林夜清猿徹曙聞

題招提寺

戎昱

招提精舍好石壁向江開山影水中盡松聲天上來一燈

傳歲月深殿

一作院

長莓苔日暮雙林磬冷冷送客迴

題鶴林寺上方

李涉

終日昏昏醉夢間，忽聞春盡強登山。
因過竹院一作寺逢僧話，又得浮生半日閑。

重過文上人院

前人

南隨越鳥北燕鴻，松月三年別遠公。
無限心中不平事，一宵清話又成空。

題栖霞寺

張暈

躋險入幽林，翠微含竹殿。
泉聲無休歇，山色時隱見。
潮來雜風雨，梅落成霜霰。
一從方外游，頓覺塵心變。

夏遊招隱寺暴雨晚晴

李正封

飛巖煙碧鹿鳴澗，草香山僧隱一作本。
清梵幡蓋遶迴廊。

禪門寺暮鍾

前人

繁籟高懸于闐鍾，黃昏發地放龍宮。
游人憶到嵩山夜，疊閣連樓滿太空。

行縣至浮查寺

羅炯

三十年前此布衣，鹿鳴西上虎符歸。
行時賓從光前事，到處松杉長舊圍。
野老競遮官道拜，沙鷗遙避隼旗飛。
春風一宿琉璃地，自有泉聲愜素機。

遊石澗寺

朱放

聞道幽深石澗寺，不逢流水亦難知。
莫道山僧無伴侶，一作長在古松枝。

文苑英華

卷一百一十五

七

七

題竹集作鶴林寺

朱放

歲月人間促煙霞此地多殷勤竹林寺能集作更得幾迴過

宿泐上人房

徐嶷

浮生不定若蓬飄林下真僧偶見招覺後始知身是夢更

聞寒雨滴芭蕉

遊始興廣勝寺果上人房

房融

零落嗟殘命蕭條託勝因方燒三界火遽洗六情塵隔嶺

天花發凌空月殿新誰令故鄉思一作誰憐知國思從此學分身

寺居清晨

劉三復

高枕對曉月衣巾清且涼露華朝未晞滴瀝含靈疑作虛光

雨竹聞汲井開扉見焚香幽心感衰病結念依法王青真

飛香渺空鳥翔此情皆有釋悠然知所忘

題栢臺寺

已百二卷二十一

于鵠

題宇文裔山寺讀書院

前人

讀書林下寺不出動經年書閣通集作草閣連僧院山厨共石

泉雪集作雲庭無履跡龕壁有燈煙年少今頭白刪詩到幾

篇

溫泉僧房

前人

雲裏前朝寺修行獨幾年山村無施食盥漱亦安禪古塔

巢溪鳥深房閉谷泉自言僧入室知處梵王天

登西靈塔

陳潤

塔廟出招提登臨碧海西不知人意遠漸覺鳥飛低稍

雲霞近如將日月齊遷喬未得意徒欲躡雲梯

題虎丘山西寺

朱長文一作朱長雲

王氏家山昔在茲陸機為賦陸雲詩青蓮香匝東西宇日

月與僧無盡時

靜林精舍

梁武帝隱所已見一百六十六卷

釋靈一

自大林與韓明府歸郭中精舍作 前人

野客同舟相携復一歸孤雲集作孤煙生暮景遠岫帶春暉

不道還山是誰云向郭非禪門有通隱喧寂共忘機

酬皇甫冉將赴無錫於雲門寺贈別 前人

湖南通古寺來往意無涯欲滴雲門路千峯到若耶春山

手敬宅古木謝敷家自可長階隱集作堪那言相去賒

此詩二百四十四卷重出今已削去注異同

再還宜豐寺

前人

尋尋招隱地重會宿心期憇客問歸日山僧記別時野雲

陰遠甸秋水漲前池勿謂松形勝吾今不好奇

題東蘭若

前人

上人禪室路徘徊萬木清陰向日開寒竹影侵行逕石秋

風煙入誦經臺閑雲不繫從舒卷狎鳥無機任往來更惜

片陽談妙理歸時莫待暝鍾催

將出宜豐寺留題山房

前人

池上蓮荷不自開山中流水偶然來若言聚散定由我未

是回時那得回

題王僧院

前人

虎溪閑月引相過帶雪松枝挂薜蘿無限青山行欲盡白雲深處老僧多

宿靜林寺

前人

山寺門前多古松谿行欲到已聞鐘中宵引領尋高頂月照雲峯凡幾重

宿吳匡山破寺

釋皎然

雙峯百戰後真界滿塵埃蔓草緣空壁悲風起故臺野花寒更發山月暝還來何事池中水東流獨不回

高僧詩載皎然詠廢寺云武原遺跡在真界積塵埃殘月生秋水悲風吹故臺居人今已盡栖鶴眼還來不到無生理應堪賦七哀與前詩同今附于此

寒食日集報德寺解公房

一作寒食日同陸處士行報德寺宿

前人

谷間章陵寺

一作古寺章陵下

支公住幾年

一作公住幾年亂山春靄裏微

遷古松邊

一作安心生軟草灌頂引春泉

寂寂傳燈地寥寥禁火天世人

一作間

多暗室白日為誰圓

一作懸

一作皆歲時雜詠

奉和盧使君幼平游朝陽山寺臨太湖

時在郭不得往

前人

仁祠當絕境明牧躡靈蹤欲到心涼地初聞斷續鍾城中歸路在湖上碧山重水照千花界雲開七葉峰寒芳艾綬滿空翠白綸濃逸韻知難繼佳游恨不逢仍聞撫禪石為我久從容

秋日遙和盧使君游柯山寺宿歇上人上方論涅槃經大義
前人

江郡當秋景期將道者同跡高連一作竹寺夜靜賞蓮宮
古磬清霜下寒山曉月中詩情緣境發法性寄筌空翻譯

推南本何人繼謝公
遙和塵外上人與陸澧夜集山寺問涅槃義兼賞

陸生文卷上自號北山子
前人

共是竹林賢孫綽僧史以七人配心從貝葉傳說經看月
過一作開卷愛珠連清淨遙城外蕭疎一作古塔前應隨
北山子高頂枕雲眠

題報德寺清幽上人西峰寺即陳文帝故鄉
前人

陳世凋亡後仁祠識舊山帝鄉喬木在空見白雲還雙塔
寒林外三陵暮雨間此中雖戰勝君獨啟禪關

奉同顏使君真卿開元寺經藏院觀樹文殊碑
前人

萬國布殊私千年降祖師鴈門傳法至龍藏立言時故實
刊周典新聲播魯詩六銖那更拂劫石盡無期

奉同盧使君幼平游精舍寺
前人

影剎西方在虛空翠色分人天霽後見猿鳥定中間真界
隱清壁春山凌白雲今朝石門會千古仰斯文
奉陪陸使君張源裴端公樞春遊虎丘寺
前人

雲水夾雙刹遙疑滿平陂入門見藏山元化何由窺曳組
探詭恠停驂訪幽奇情高氣為爽德暖春亦隨瑤草自的
爍蕙樓爭蔽駙金精發壞陵劔彩沉靈池一覽匝天界中
峰步未移應喜生公石列坐援松枝

秋晚宿破城山一作寺

前人

秋風落葉滿空山古殿殘燈石壁間昔日經行人去盡寒
雲夜夜自飛還

題石甕寺

王建

青崖古寺

集作白石

夾城東泉脉鍾聲內乘迥地壓神龍

集作龍地

山色別屋連宮殿匠名同簷燈經夏紗龍黑溪葉先秋臘
樹紅天子親題詩摠在書扉長鎖壁龕中

題台州隱靜寺

前人

隱靜靈仙山一作山

寺天鑿盃度飛來建巖登五峰直上挿銀

河一澗當空瀉寥廓崆峒黯淡碧琉璃

一作琉璃殿

白雲吞吐

紅蓮閣不知勢壓天錢重鍾聲常聞

一作在

月中落

瑤巖閣下咲焚香天邊重疊葦常開

一開當空無處空剛纔欲散

新精靈山一首 寺天竺寺觀夏景水氣清涼

限八代詩卷

文苑英華卷第一百三十七

詩八十七

寺院五 塔附

楊巨源六首

楊衙四首

韓愈一首

陳羽一首

劉禹錫三首

白居易六首

李紳一首

劉商三首

姚合四首

賈島八首

釋無可六首

周賀四首

劉得仁九首

和鄭少師相公題慈恩寺禪院 楊巨源

舊寺長桐孫朝天是聖恩謝公詩更老蕭傳道方尊白法

知深得蒼生要重論若爲將此望心地向空門

同趙校書題普救寺

前人

東門高處天一望幾悠然白浪過城下青山滿寺前塵光
分驛道嵐色到人煙氣象湏文字逢君大雅篇

春日與劉評事過故谿

一作上人院 前人

曾共劉諮議同時事道林與君方掩淚來客是知心
雪凌春積鍾煙向夕深依然舊童子相送出花陰

春雪題興善寺廣宣上人竹院

前人

皎潔青蓮客焚香對雪朝竹風催浙瀝花雨讓飄飄觸
石和雲積紫池拂水消只應將日月顏色不相饒

和鄭少師尋興善寺廣宣上人

不遇 前人

秋心蓮境去又值竹房空幾韻飄寒玉餘清不在風

夏日苦熱同長孫主簿過仁壽寺納涼

前人

火入天地鑪南方正何劇四郊長雲紅六合太陽赤赫赫
沸泉壑燄燄焦砂石思滅祝融權期匡諸子宅因投竹林
寺一問青蓮客心空得清涼理證等喧寂開襟天籟迴步
履雨花積微風動珠簾惠氣入瑤席境閑性方謐塵遠趣
皆適淹駕殊未還朱欄敞屋碧

遊峽山寺

楊衡

結構天南畔勝絕固難傳幸蒙時所漏遂得恣閑遊路石
蔭松蓋檻藤維鶴舟雨霽花木潤風和景氣柔寶殿敞丹
扉靈幡垂絳旒照曜芙蓉壺金人居上頭翔禽拂危剝落

文苑英華 卷一百一十五
日避層樓端溪瀰漫駛曲澗潺湲流高居何重沓登覽自
夷猶煙霞無隱態巖洞詎遺幽奔駟非久耀馳波肯暫留
會從香火緣滅跡此山丘

宿陟岵寺雲律師院

前人

像宇鬱參差寶林踈復密中有彌天子燃燈坐虛室心澄
紅蓮喻跡羈青眼律玉鑪揚翠煙金經開縹帙肆陳堅固
學破我夢幻質碧水灑塵纓涼扇當夏日宿禽詎相保送
火煙欲失願迴戚促勞趨隅事休逸

題山寺

前人

半峯白露後雲壁挂殘燈曙色海邊日經聲松下僧意閑
不閉年去水空澄稽首如何問森蘿盡一乘

宿吉祥寺寄廬山隱者

前人

風鳴雲外鍾鶴宿千年松相思杳不見月出山重重一作孤月

題臨瀧寺

韓愈

不覺離家已五千仍將衰病入瀧船潮州集作陽未到吾能
集作人先說海氣昏昏水拍天

題清鏡寺留別

陳羽

路入千山愁自知雪花撩亂壓松枝世間人一作人並道別離
苦誰信山僧輕別離

宿誠禪師山房題贈二首

劉禹錫

宴坐白雲端青江直下看來人望金刹講席繞香壇虎嘯

夜林動颯鳴秋澗寒衆音從集作起滅心在淨集作中觀

二

不出孤峯上人間四十秋視身如傳舍閱世甚東流法為
因緣立心從次第修中宵問真偈有住是吾憂

和河南裴尹侍郎宿齋太平寺諸九龍祠祈雨二

十韻

前人

有事九龍廟繁齋梵王祠玉簫何時絕碧樹空涼颯吏散
埃盪息月高庭宇宜重城肅穆閉澗水潺湲時人稀夜復
閑慮靜境亦隨緬懷斷齧足凝想乘鸞姿朱明盛農節膏
澤方憊期瞻言五靈端能救百穀萎唧啞晨鷄鳴闌干斗

一作垂脩容謁神像注意陳正辭驚鷗颺起泓泉若舊

一作炎空忽淒緊高雷懸綆縻生物已滂霈濕雲稍離披丹霞

啓南陸白水含東菑熙熙飛走適藹藹草樹滋浮光動宮

觀遠思盈川坻吳公敏於政謝守工為詩商山有病客一作

者言賀舒龐眉

題東虎

一作武

丘寺六韻

白居易

香刹看非遠祗園入始深龍蟠松矯矯玉立竹森森恠石
千僧坐靈池一劔沉海當亭兩面山在寺中心酒熟憑花
勸詩成倩鳥吟寄言軒冕客此地好抽簪

送王十八歸山寄題仙遊寺

前人

曾於太白峯前徃數到仙遊寺裏來黑水登時潭底出白

雲破處洞門開林間暖酒燒紅葉石上題詩掃綠苔惆悵
舊遊那集作無復到菊花時節羨一作侍君迴

夜遊西武丘寺八韻

前人

不厭西丘寺閑來即一過舟船轉雲鳥樓閣出煙蘿路入
青松影門臨白月波魚跳驚秉燭猿覩恠鳴珂搖曳雙紅
旆娉婷十翠娥香花助羅綺鍾梵避笙歌領却時將久遊
山數幾何一年十二度非少亦非多

孤山寺遇雨

前人

拂波雲色重灑葉雨聲繁水鳥集作鷺雙飛起風荷一向翻
空濛連北岸蕭颯入東軒或擬湖中宿留船在寺門

旅泊景空寺宿幽上人院

前人

不與人境接寺門開向山暮鍾寒鳥聚秋雨病僧閑月
雲樹外螢飛廊宇間幸投花界宿暫得靜心顏

宿靈巖寺上院

前人

高高白月上青林客去僧歸獨夜深葦血屏除唯對酒歌
鍾放散只留琴更無俗物當人眼但有泉聲洗我心最愛
曉亭東望好太湖煙水綠沉沉

憶登西霞寺峯懷望

劫梁簡文

李紳

香印煙火息法堂鍾磬餘紗燈耿晨焰釋子安禪居林葉
脫紅影竹煙含綺疎星珠錯落耀月宇參差虛顧眺匪恣
適曠襟懷卷舒江海森清盪丘陵何所如滔滔可問津耕
者非長沮茅嶺感仙客蕭園成古墟移步下碧峯沙澗裏

躑躅鳥噪啄秋果翠鷺銜素魚迴塘彩鷓來落影標一作在
林笳漾漾棹翻月蕭蕭風襲袿勞歌起舊思感歎竟難據
却數共遊者凋落非里閭

同徐城季明府遊重光寺題晃師房 劉商

野寺僧房遠陶潛引客來鳥喧殘果落蘭敗幾花開真性
知無住微言欲望迴竹風清磬晚歸策步蒼苔

題悟空寺

前人

扁舟水淼淼曲岸復長塘古寺春山上登樓憶故鄉雲煙
橫極浦花木擁迴廊更有思歸意晴明陟上方

題廢禪居寺

前人

凋殘精舍在連步訪緇衣古殿門空掩楊花雪亂飛鶴巢

松影薄僧少磬

一作

聲稀青眼能留客疎鍾逼夜歸

過無可上人院

姚合

寥寥聽不盡孤磬與疎鍾煩惱師長別清涼我暫逢蟻行
經古蘚鶴毳落深松自想歸時路塵埃復幾重

題雲花寺寶上人院

前人

九陌最幽寺吾師院復深煙霜同覆屋松竹雜成林鳥語
境微集作彌寂客來機自沉早年集作知如到此應不帶朝簪

僧院引泉

已見一百六十四卷

前人

題山寺

前人

千重山崦裏樓閣影參差未暇尋僧院先看置寺碑竹深
行漸暗石穩坐多時古塔虵蟲善陰廊鳥雀凝雲開上界

近泉路下方進為愛青桐葉因題滿樹詩

靈準上人院

賈島

掩扉常大半

集作當太白

臘數等松椿禁漏來遙

一作遲

夜山泉

落近隣經聲終卷曉草色幾芽春海內知名士交遊湯上

人

昇道精舍南臺對月寄姚合

前人

月向南臺見秋霖洗滌餘出逢危葉落靜益衆峯踈冷露

尋時有禪窓此夜虛相思聊悵望潤氣徧衣裾

集作初非

題青龍寺鏡公房

前人

一夕曾留宿終南搖落時孤燈罔舍掩殘磬雪風吹樹老

因寒折泉深出井遲踈慵豈有事多失上方期

宿贊上人房

前人

前多是竹閑地擬栽松朱點草書踈雪平麻履蹤御溝

寒夜雨宮寺靜時鍾此室無他事來尋

集作多

不厭重

就可公宿

前人

十里尋幽寺寒流數派分僧同雪夜坐鴈向草堂聞靜語

終燈焰餘生許嶠雲猶

集作由

來多抱疾聲不達明君

宿慈恩寺郁公房

前人

病身來寄宿自掃一牀閑反照臨江磬新秋過雨山竹陰

移冷月荷氣帶禪關獨往天台意方從內請還

崇聖寺斌公房

前人

近來唯一食樹下掩禪扉落日寒山磬多年壞衲衣白鬚

長更剝青靄遠還歸仍說遊南岳經行是息機

早秋寄題天竺靈隱寺

前人

峯前峯後寺新秋絕頂高窻見沃州人在定中聞蟋蟀鶴

曾樓處挂彌一作猿一作猴山鍾夜度空江水汀草一作寒生古

石樓心憶懸帆身未遂謝公此地昔年遊

宿西嶽白石院

釋無可

白石上嵌崆寒雲西復東瀑流懸住處鷓鴣失禪中岳壁

松多古壇基雪不通未能親近去擁榻媿相同

青龍寺縱公房

前人

從誰得法印一作傳不離上方傳夕磬城霜下寒窻竹月

圓燈一作殘衰木落一作客往磧一作雲邊未隱滄洲

一作此禪

過石谿寺寄姚員外

前人

門逕衆峯頭盤巖復轉溝雲僧隨樹老古木落紅流峽狹

有時到秦人今日遊謝全斐晚望此境在南樓

安國寺靜居法師故院

前人

雨後清涼境因過欲不迴井井桐有露竹迭地多苔幡映

宮牆動香從御苑一作殿一作來清牛舊經疏寥落有誰開

遊山寺

前人

千峯盤落盡林寺昔何名步步入山影房房聞水聲多年

人跡斷殘日石陰清自可求居止安閑過此生

寄題廬山二林寺

前人

廬岳東南秀香花惠遠蹤名齊松一作嶺峻氣比沃州濃

積岫連何處幽崖越幾重雙流湓隱隱九派棹憧憧山隈

東西寺林交且暮鍾半天傾瀑湓數郡見鑪峯巖並金繩

道潭分玉像容江微匡俗路日果晉朝松椽迓新苞折梅

籬故葉壅嵐光生疊砌霞焰發高甍窻籟虛聞沆庭煙黑

過龍定僧仙嶠起逋客虎溪逢瀟洛垂楊戶荒涼種杏封

塔留紅舍利池吐白芙蓉畫壁披一作雲見禪衣對鶴縫

喧經泉滴瀝沒履草丰茸翠竇敞拳乳苔橋側杖筇探奇

盈夢想搜峭滌心曾冥奧終難盡登臨惜未從上方薇蕨

滿歸去養乖慵

入隱靜寺途中作

周賀

乳雲遙遠寺入路認青松鳥翅綠巢影僧鞋印雪蹤草

連野燒溪霧隔霜鍾更問樵人院猶言過數峯集作史遇樵人說猶

言過數峯

空上人移居太雲寺

前人

竹谿人請住何日向中峯瓦舍山情少齋身病色濃臘高

移坐次菊淺露行蹤來往湓城下三年兩度逢

宿甄山南溪晝公院

前人

從來作何客別離經半年却來峯頂宿知廢甄南禪餘霧

沉斜月孤燈照落泉何時閑事盡相伴老溪邊

宿隱靜寺上方

前人

一宿五峯林渡寺虛廊中夜磬聲分疎林未一作落上方

月深澗忽生平地雲高鳥背泉栖靜境遠人當燭想遺文
暫來此地歇勞足望斷故山滄海濱

宿僧院

劉得仁

禪地

集作定

無塵夜焚香話所歸樹搖幽鳥夢螢入定僧衣

破月斜天半高河下霧

集作露

微飈冷嫌白日

集作日

動即與

心違

題景玄禪師院

前人

古僧精進者師復是誰流道貴

一作愧

行無我禪難說到頭

汲泉羸鶴立擁榻

集作羸

老猿愁曾住深山院何如此院幽

宿普濟寺

前人

寺數何窮清閑此不同曲江臨閣北御苑

一作水

自

虛無裏星生杳靄中月光籠月殿蓮氣入蓮宮綴草涼天

露吹人古木風飲茶陰假寐聞磬釋塵蒙童子眠苔淨高

僧話漏終柅撞曉鍾後萬井復腫臃

青龍寺僧院

前人

常多簪組客非獨看高松此地堪終日開門見數峯苔新

禽跡少泉冷樹陰重師意如山裏空房曉暮鍾

冬日題邵公院

前人

無事關多掩陰堦竹拂苔勁風吹雪聚渴鳥啄冰開樹向

寒山得人從瀑布來終期天目老擎錫逐雲迴

夏日遊慈恩寺

前人

何處消長日慈恩精舍頻僧高容野客樹密絕囂塵閉上
凌虛塔相逢避暑人却愁歸去路馬跡並車輪

晚遊慈恩寺

前人

寺去幽居近每來因採薇伴僧行不困臨水語忘歸磬動
青林晚人驚白鷺飛堪嗟浮俗事皆與道相違

秋晚與友人遊青龍寺

前人

直集作高視終南秀西風度閣涼一生同隙影幾處好山光
暮鳥投羸木寒鍾送夕陽因居話心地川暝宿僧房

慈恩寺塔下避暑

前人

古松凌巨塔脩竹映空廊竟日聞虛籟深山止集作只此涼
僧真生我散水澹發茶香坐久東樓望集作上鍾聲振集作送

文苑英華卷第一百二十八

詩八十八

寺院六附塔

溫庭筠十首

杜牧之三首

許渾十首

喻鳧五首

盧肇一首

趙嘏十首

方干六首

李洞十首

李群玉二首

陳陶二首

張祐七首

羅鄴一首

宿澧曲僧舍

溫庭筠

東郊和氣新芳靄遠如塵客舍一作路停疲馬僧牆畫故人

沃田桑景晚平野菜花春更想嚴家瀨微風蕩白蘋

文苑英華 卷八

和友人盤石寺逢舊友

前人

楚寺上方宿滿堂昔舊遊月溪逢遠客煙浪有歸舟江館
白蘋夜水關紅葉秋西風吹暮雨江汀一作草更堪愁

宿一公精舍

前人

夜闌黃葉寺瓶錫兩俱能松下石橋路雨中山殿燈一作

石橋雨山中佛殿燈茶爐天姥客碁席剡溪僧還笑長門賦高秋賦

茂陵

月中宿雲居寺上方

前人

虛閣披衣坐寒堦踏葉行衆星中夜少圓月上方明靄盡
無林色喧餘有澗聲祗應愁恨事還逐晚光生

題中南佛塔寺

前人

隔翠微千里到柴扉地勝人無慾林昏虎有威
侵家覆山雪入禪衣桂樹芳陰在還期歲晏歸

題西明寺僧院

前人

匡山遠法師低松片石對前墀為尋名畫來過寺因
訪閑人得看碁新鴈參差雲碧處寒鴉寥落集作葉紅時

自知終有張華識不向滄洲埋釣絲

宿松門寺

前人

白石青崖世界分卷簾孤坐獨氛林間禪室春深雪
上龍堂夜半雲落日蒼一作涼登閣在曉鍾搖蕩隔江

聞西山舊是經行地願漱寒瓶逐領軍

馬嵬佛寺

前人

文苑英華 卷八

荒雞夜唱戰塵深五鼓雕輿過上林才信傾城是真語直
教塗地始甘心兩重秦苑成千里一炷胡香抵集作直萬金

憂情死來無絕藝後人誰肯惜青禽司馬相如傳注青禽古神女也一本作青禽

清涼寺

前人

黃花紅樹謝芳蹊宮殿參差黛嶽西詩閣曉窓藏雪嶺畫
堂秋水接藍溪松飄晚吹捲金鐸竹蔭寒苔上石梯妙跡
奇名竟何在下方煙暝草萋萋

開聖寺

前人

路分溪石夾煙叢十里蕭蕭古樹風出寺馬嘶秋色裏日
俊鴉亂夕陽中竹間泉落山厨靜塔下僧歸影殿空

南朝舊碑在敢集作將興廢問漁翁集作休公

寄題甘露寺北軒

杜牧之

蓬萊宮裏行北軒欄檻最留情孤高堪弄桓伊笛
纔宜聞子晉笙天接海門秋水色煙籠鹿一作隋苑暮鍾聲
他年會著荷衣去不向山僧道姓名

題禪院

前人

航集作船一棹百分空千載集作十歲青春不負公今日鬢絲
禪榻畔茶煙悠集作輕颺落花中集作風

題宣州開元寺

寺置於東晉時

前人

南朝謝朓城東吳最深處亡國去如鴻遺寺藏煙塢樓飛
九十尺廊環四百柱高高下下中風繞松桂樹青苔照朱
閣白鳥兩相語溪聲入僧夢月色輝粉渚集作堵閱景無旦

夕憑一作欄有今古留我酒一樽前山看春雨

將歸塗口宿鬱林寺道玄上人院 許渾

西巖一磬長僧起樹蒼蒼開殿灑寒水誦經焚曉一作香

竹風雲漸散杉露月猶光無復重來此歸舟凌夕陽

潼關蘭若 前人

來往幾經過前軒枕大河遠帆春水闊高寺夕陽多蝶影

下紅藥鳥聲喧綠蘿故山歸未得徒詠採芝歌

題恩德寺 前人

樓臺橫復重猶在集作半巖空蘿洞淺深水竹廊高下風

晴山踈雨外集作秋樹斷雲中未竟平生意孤帆又向東

崇聖寺寺即故 前人

行殿池榭日坡陁雨過水初漲雲開山漸多

柳秋院閉宮莎借問龍歸處鼎湖空碧波

與裴三十秀才自越西歸望亭阻凍登虎立精舍

春草越吳關集作心期旦夕還酒鄉逢客病詩境遇僧閑

倚棹冰交集作浦登樓雪蒲山東風猶集作可待歸鬢已

集作班班

下第寓居崇聖寺感事 前人

懷玉泣京華舊山歸路賒靜依禪客院幽學野人家林晚

鳥爭樹園春蜂護花東門有閑地誰種邵平瓜

渚集作東蘭若夜歸 前人

一衲老禪床吾生半異鄉管絃愁裏醉書劒夢中忙鳥急

山初暝蟬稀樹正涼又歸何處去塵路月蒼蒼

寓居開元寺

集作開元精舍酬薛秀才見贈

集作前人

知已蕭條信陸沉茂陵扶病卧西林菱荷風起客堂靜松

桂月高僧院深清露下時傷旅鬢白雲歸處寄鄉心勞君

詩思猶相憶題在書

集作空齋夜夜吟

和河南楊少尹奉陪薛司空石筍詩

前人

暖溪寒井碧巖前謝傳賓朋盛綺筵雲斷石峯高竝筍日

臨山勢遠開蓮閑留幢節低春水醉擁

一作笙歌出暮煙

聞道詩成歸已夕柳風花露月初圓

題蘇州虎丘寺僧院

前人

寒泉濯遠塵此生多是異鄉人荆溪夜雨花飛

死秋風月滿

一作里高低門外路百年榮辱夢中

世間誰似西林客一卧煙霞四十春

遊山北

集作北山寺喻鳥

煙岡影畔寺遊步此時孤庭靜衆藥在鶴閑雙檜枯

露秋院灞水入春厨便可棲心跡如何返舊途

冬日題無可上人院

前人

入戶道心生茶閑踏葉行瀉風瓶水澁承雪鶴巢傾閣北

長河氣窻東一檜聲詩言與禪味語默此皆清

遊雲際寺

前人

澗壑吼風雷香門

集作禪關絕頂開閣寒僧不下鍾定虎常來

常一作長鳥啄林梢菓鼯跳竹裏苔心源無一事塵界擬休回

題翠微寺

前人

沿溪又涉嶺始喜入集作到前軒鍾度鳥沉壑殿扃雲濕幡
涼泉墮眾石古木徹踈猿月上僧偕近集作初定斯遊豈易言

隱集作岫禪師南溪蘭若

前人

錫影配瓶光孤溪集作脩心默草堂水懸青石磴鍾動白雲床
樹色含殘雨河流帶夕陽唯應無月夜暝目見他方

題甘露寺

盧肇

北固巖端寺佳名自上台地從京口斷山到海門迴曙色
煙中城潮聲日下來一隅通雉堞千仞聳樓臺林暗疑降
虎江空想度杯福庭增氣象仙巖落昭回覺路花非染流
年景漫催隋宮凋綠草晉室散苔埃西蜀波湍盡東溟日
月如登最高處應得見蓬萊

重遊楚國寺

趙嘏

往事飄然去集作竟不迴空餘山色在樓臺池塘風集作春暖

鴈尋去松桂寺高集作松檜樹高人獨來莊叟著書真達者賈生

揮涕信悠哉老僧心地閑於水猶被流年日月催集作白髮催

宿楚國寺有懷

前人

風動衰荷寂寞香斷煙殘月共蒼蒼寒生晚寺波搖壁紅
墮踈林葉滿床起鴈似驚南浦棹陰雲欲護北樓霜江邊
松菊荒應盡八月長安夜正長

宿靈巖寺即古吳宮

前人

明月溪頭寺蟲聲蒲橘洲倚欄香徑晚移石太湖秋古樹

一作老樹
集作樹老
雲歸盡荒臺
集作臺荒
水更流無人見
惆悵獨上最

高樓

越中寺居

前人

遲客疎林下
斜溪小艇通
野橋連寺月
高竹半樓風
水靜魚吹浪
枝閑鳥下空
數峯相向綠
日夕郡城東

初入寺居寄上元相公
已見二百二十三卷題
越中寺居寄上主人

遶竹
前篇作恩酬
前篇作酬恩

浙東陪元相公遊雲門寺

前人

松下山前一逕通
燭迎千騎滿山川
集作
紅溪雲乍歛幽作

高巖雨曉氣初高
集作
大旆風小檻宴花容
客醉上方者

竹與僧同歸來吹盡巖城角
路轉高橫
集作
塘亂水東

題天鄉寺神亮上人院
亮不出院五年
已見

題作贈天鄉寺神亮上人

前人

月色簾西見
前篇作日經聲
前篇作

早發剡中法堂寺
集作石城寺
前人

暫夕勞生樹色間
集作半日閑
平明塵事
集作機慮
又相關吟辭宿

處煙霞去
一作心集作
負秋來水石閑
竹戶半開鍾未絕

松枝靜翳鶴初還
明朝一倍堪惆悵
迴首塵中見此山

三像寺酬元秘書

前人

官惚芸香閣著蓬
可憐詩句落春風
偶然侍坐水聲裏
還許醉吟松影中
車馬照來紅樹合
煙霞詠盡翠微空
不因

高寺閑回首誰識飄飄
一作一塞翁

此詩二百六十三卷重出今已削去

宿四祖寺

前人

千株松下雙峯寺一盞燈前萬里身自是心後不調伏祖師元是世間人

寒食宿先天寺無可上人房

方干

雙扉檜下開寄宿石房苔蟠北燈花動城西雪霰來收基想雲夢罷茗議天台同憶前年臘師初白閣廻

題寶林山禪院

前人

山捧亭臺郭遶山徑盤蒼翠到山巔巖中古井雖通海窟裏陰雲不上天羅列衆星依木末週廻萬室在簷前我來要師集作歸禪老一寸寒灰已達禪

題應天寺上方兼呈謙上人

前人

中天坐卧見人寰峭石垂藤不易攀晴卷風雷歸故壑猿和猿鳥鎖寒山勢橫綠野蒼茫外影落平湖歛澗間師在西巖最高處路尋之字一作子見禪關

題報恩寺上方

前人

來來先上上方看眼界無窮世界寬巖溜噴空晴似雨林蘿礙日夏多寒衆山迢遞皆相疊一路高低不記盤清峭關心惜歸去他時夢到亦難拚集作判

書法華寺上方禪師一作僧壁

前人

砌下松巔有鶴栖孤猿亦在鶴邊啼卧聞雷雨歸巖早坐集作見覺集作見星辰去地低一徑穿綠應在集作就郭千花掩映似

無溪是非生死多憂惱此日憑集作蒙師為破迷

題法華寺絕頂禪家壁 前人

蒼翠岩巒逼宵冥下方雷雨上方晴飛流便向砌邊挂片
月影從窓外行馴鹿不知誰結侶野禽多是自呼名只應
禪者無來去坐看千山白髮生

秋宿荆上人禪房 李洞

江房無葉落松影帶山高蒲寺中秋月孤窓入夜濤舊真
懸磬壁老髮逐銅刀卧看曉耕者與師知苦勞

宿書僧一作院 前人

夜水筆前澄時推外學能書成百箇字庭轉幾遭燈寄
大檀吏分牋蜀國僧為題江寺塔牌挂入雲層

冬日題覺公牛頭蘭若 前人

天寒高木靜一磬隔川一作窓開門水看山陷臺香拂一作掃

雪焚鶴歸遙認刹僧步不離雲石室開禪後輪珠謝聖君

題維摩暢上人房 朽枿集作寒櫟 前人

諸方遊幾臘五夏五峯銷越講迎騎象一作馬蕃齋馘射鵬
吟筇書雪倚朽枿話雲燒從此棲林老瞥然三萬朝

題西明寺攻文林復僧房 前人

誰寄湘一作江南信陰窓硯起津燒痕碑入集海角寺留真
樓憇長空鳥鍾驚半闕人御溝圓月會似在草堂身

題竹溪禪院 前人

溪連竹一色竹擁水千竿鳥觸翠微濕人居酷暑寒風搖

瓶影翠一作砂陷履痕端爽極青桂樹流平綠峽灘闊來披衲數漲後卷經看三境通禪寂埃塵染着難

題新安國寺

前人

佛亦遇艱難重興累慶壇偃松枝舊折盡竹粉新乾開講宮娃聽拋生禁鳥食鍾聲常入夢天竺化長安

宿鳳翔天柱寺窮易玄上人房

前人

天柱暮相逢吟思天柱峯墨研清露月茶吸白雲鍾卧語身粘蘇叅一作禪頂拂松探一作玄為一訣一作明

日去臨叩

題西明白覺上人房

前人

御溝尋岸行遠岫見雲生松下度三伏磬中銷五更雨霖

題雲際寺

前人

門開風雪頂上微困飛禽猿戲青冥裏人行紫翠閣一作陰騰雲冰下出夜磬月中尋盡欲居巖室如何不一一作佳心

登蒲澗寺後二巖二首

李群玉

五仙騎五羊何代降茲鄉澗有堯時韭集作堯年韭菖蒲也山餘禹集作堯年代集作日糧樓臺籠海色草樹羨集作發天香吟嘯秋集作浩

光裏浮溟興甚長

二

行盡崎嶇路驚從汗漫遊青天豁眼客集作快碧海醒心秋便欲尋河漢因之犯斗牛九霄身自致何必遇一作問浮丘

題居上人法華新院

陳陶

浮名深般若方等設蓮華
鍾唄成僧國湖山稱法家
一塵多寶塔千佛大牛車
能誘泥犁客超然識聚沙

題豫章西山香城寺

前人

十地巖宮禮竺皇旃檀樓閣半天香
祇園樹老梵聲小雪嶺花香
燈影長霄漢落泉供月界蓬壺靈鳥侍雲房
何年七七空人降金錫珠壇滿上方

杭州孤山寺

張祐

樓臺聳碧岑一徑入湖心
不雨山長潤無雲水自陰
斷橋荒蕪溢空院落花深
獨集作猶憶西窓夜集作月一作外鍾聲盡

集作在此一作到此林

此詩一百五十九卷重出今已削去注異同為一

常州無錫縣惠山寺

前人

舊宅人何在空門客自過
泉聲到池盡山集作月色上樓多

小洞穿集作生

斜竹重階夾瘦莎
殷勤集作望入城市雲水暮

鍾和

潤州甘露寺

前人

千重構橫險高步出塵埃
日月光先到集作見江山勢盡來
冷雲虛水石清露滴樓臺
况是東溟上平生憶集作意一開

金山寺

前人

一宿金山頂集作寺

微茫水國分集作離世群

僧歸夜船月籠

出曉堂雲樹影中流
見鍾聲兩岸聞因悲集作翻思在朝市終

出曉堂雲樹影中流見鍾聲兩岸聞因悲集作翻思在朝市終

日醉醺醺

石頭城寺

前人

山勢抱煙光重門突吼傍連簷金天一作像閣半壁石龕脚
碧樹叢高頂清池占下方徒悲宦遊意盡日老僧房

題招隱寺

前人

千年戴顓宅佛廟此崇脩古寺集作人名在清泉鹿跡幽

竹光寒閉院山影夜藏樓未得高僧旨煙霞空暫遊

秋夜登潤州慈和寺上方

二字集

前人

清夜浮埃暫歇集作暫出又作歇井 鄧塔輪金照露華鮮人行中路

月生海鶴語上方星滿天樓影半集作連深岸水鍾聲寒

遠林集作煙僧房閉盡下樓去一山夢魂離集作

夏日宿靈巖寺宗公院

羅鄴

寺入千巖石路長孤吟一宿遠公房卧聽半夜杉壇雨

覺中峯枕簟涼花界已無悲喜念塵襟自足是非妨他年

縱使重來此息得心猿鬢已霜

文苑英華卷第二百二十九

夏日宿靈鷲寺宗公別

蘇轍

念聖懋自長長非故出平
一宿教公長相樂半夏沐雨

文苑英華卷第二百二十九

寺院七
附塔

姚鵠二首

馬戴六首

顧非熊一首

薛能五首

李頻二首

李郢一首

皮日休三首

鄭谷九首

杜荀鶴三首

張喬八首

周繇四首

楊夔二首

張蠙三首

曹松四首

周朴六首

羅隱四首

裴說五首

文苑英華卷第二百二十九

野寺寓居即事二首

姚鵠

南山色當戶 初日半簷時 鶴去卧看遠 僧來嫌起遲 窓明雲影斷 庭曉樹陰移 何處題新句 連谿密葉垂

二

古寺更何有 當庭唯折幢 伴僧青蘚榻 對雨白雲窓 暝色坐前嶺 離魂隔遠江 沙洲半藜草 飛鷺白雙雙

題石甕寺

馬戴

僧室並皇宮 雲門輦路同 渭分雙闕北 山廻五陵東 脩綆懸林表 深泉汲洞中人 煙窺蛭蟻駕 瓦拂冥鴻薜壁松 生峭龕燈月 照空稀逢息 心侶獨禮竺乾公

題靜住寺欽用上人房

前人

天路多關玉佩聲 鑿人開慧眼 歸鳥息禪心 磬聲河曙窓 連夏木深此中能 閑一作宴坐何必在雲林

宿翠微寺

前人

處處松生滿 樵開一逕通 鳥歸霜磬盡 僧語石樓空 積翠含微明 月遙泉韻細 風經行心不厭 集作似

在憶故山中

宿無可上人房

前人

稀逢息心侶 細話遠山期 河漢露滴時 風傳林磬久 響集作月掩螢掠 草堂遲坐卧 禪心在浮生 皆不知

題興善寺英律師院

前人

虛空燃集作香久看心悟幾生瀟泉侵月起掃徑避蟲行

樹隔前朝在苔滋廢渚平我來風雨夜像設一燈明

題廬山寺

前人

白茅為屋宇編荆數處堦墀石壘成東谷笑言西谷響下

方雲雨上方晴鼠驚樵客綠蒼壁猿戲山頭撼紫檉別有

一條投澗水竹筒斜引入茶鑪

姚巖寺路懷友

顧非熊

路向姚巖寺多行洞壑間鶴聲連鳩靜溪色帶村闌疎葉

秋前渚斜陽雨外山一作君不得見詩思最相關

夏日寺中有懷

薛能

寧午四隣睡院中唯一作門塞鴻去歌枕世人情

裂天涼晚月生歸家豈不願辛苦未知名

夏日蒲津寺居二首

前人

日日開車馬誰來訪此身一門兼鶴靜四院與僧隣兩室

牆穿溜風窓筆染塵集作空餘氣長在天子用平人

二

故國有如一作夢省來長遠遊清晨起閑院疎雨似深秋

宿寢書稜疊行吟杖跡稠天晴豈能出春暖未更裘

北都一作題崇福寺

寺即高祖舊宅

前人

此地潛龍寺何基即帝臺細花庭樹蔭清氣殿門開長老

多相識句休暫一來空空亦擬解干進幸無媒

題龍興寺

前人

高戶列禪房松門到上方像開祗樹嶺人施蜀城香地遍
磷磷石江移子子牆林僧語不盡身役集作事後梁王

秋宿慈恩寺遂上人院

李頻

滿閣終南色清秋獨倚欄風高斜漢動葉下曲江寒帝里
求名老空門見性難吾師無一事不似在長安

暮秋宿清源上人院

前人

野客愁來日山房木落中微風生夜半積雨向秋終證道
方離法安禪不住空迷途將覺路語默見西東

秋夜宿重本上人院

前人

却憶涼堂坐明河幾度流安禪逢小暑抱疾入高秋冰
骨重講雲林半舊遊此來看月落還似道相求

宿憐上人房

李郢

重公舊相識一夕話勞生藥畧關身病經函寄道情嶽
當寺色灘夜入樓聲不待移文請三年別赤城

遊栖霞寺

皮日休

不見明居士空山但寂寥白蓮吟次缺青靄坐來銷泉冷
無三伏松枯有六朝何時石上月相對論逍遙

題潼關蘭若

前人

潼津罷警有招提近百年無戰馬嘶壯士不言三尺劍謀
臣休道一九泥昔時馳道洪波上今日宸居紫氣西關吏
不勞重借問棄繻生擬入耶溪

題興善寺寂上人院

鄭谷

客來風雨後院靜似荒涼罷講蛩離砌思山葉滿廊臘
興故疾爐煖發餘香自說匡廬側杉陰半石床

題興善寺

前人

寺在帝城陰清虛勝二林蘚侵隋畫暗茶助越甌深巢鶴

和鍾啖詩僧倚錫吟煙莎後池水前跡杳難尋十才子詩集多有興

善寺後池之作今寺在池蕪沒每用追歎

舟次通泉精舍

前人

江清如洛汭寺好似香山勞倦孤舟裏登臨半日間樹涼

巢鶴健巖響語僧閑更共幽雲約秋隨絳帳還時谷將廬州省

地恩

宿澄泉蘭若

前人

山半古招提空林雪月雲亂流分石上斜漢在松西雲集

寒庵宿猿先曉磬啼此心如了了抵此是曹溪

題莊巖寺休公院

前人

秋深庭色好紅葉間青松病客殊無着吾師甚見容疎鍾

和細溜孤塔等遙峯未省求名侶頻於此地逢

慈恩寺偶題

前人

往事悠悠添浩歎勞生擾擾竟何能故山歲晚不歸去高

塔晴來獨自登林下聽經秋苑鹿江邊掃葉夕陽僧吟餘

却起雙峯念曾看庵西瀑布水

次韻和秀上人長安寺居言懷寄渚宮禪者一作師

前人

舊齋松老別多年蓮一作社人稀喪亂間出寺只知趨內

殿閉門長似在深山卧聽秦樹集作秋鍾斷吟想荆江夕

鳥還唯恐興來飛錫去老即無路更追攀

少華甘露寺

前人

石門蘿徑與天隣兩檜風篁遠近聞飲澗鹿喧雙泝水上

樓集作僧踏一梯雲孤煙薄暮關城沒遠色初晴渭曲分

長憶集作燃香來此宿北林猿鶴舊同群

七祖院小山

前人

小巧功成雨薜班軒車日日扣松關峨嵋咫尺無人去却

尚僧恣看假山

題戰島僧居

杜荀鶴

接船求化慣登陸赴齋疎

春菽竹集作拋生日餒魚入雲蕭帝寺畢竟欲何如

題堯率寺閑人上院

前人

人間寺應諸天號真行僧禪此寺中百歲有涯頭上雪萬

般無染耳邊風挂帆波浪驚心白上馬塵埃翳眼紅畢竟

浮生謾勞役算來何處不歸空

中山臨上人院觀牡丹寄諸從弟

前人

閑來吟逸牡丹叢花艷人生事略同半兩半風三月內多

愁多病百年中開當韶景何妨好落向僧家即是空一別

竟無唯有此忍教醒坐對支公

題山僧院

張喬

...

谿路曾來日年多與舊同地寒松影裏僧老磬聲中遠水
清風落閑雲別院通心源若無礙何必更論空

遊靈山寺

前人

樹涼青島寺虛閣敞禪扉四面閑雲入中流獨鳥歸湖平
幽徑近船泊夜香微一宿秋風裏煙波隔擣衣

遊歙州興唐寺

前人

山橋通絕境到此憶天台竹裏尋幽徑雲邊上古臺鳥歸
殘照出鐘斷細泉來爲愛澄溪月因成隔宿廻

題詮律師院

前人

院涼松雨聲相對有山情未許谿邊老猶一作還思歙頂行
妙燈留火細石井灌瓶一作試問吾師外何人得此生

金山寺空上人

前人

老金山頂無心上石橋講移三楚遍梵譯五天遙板闥
禪疑秋月銅瓶汲夜潮自慙昏醉客來坐亦通宵

題廣信寺

前人

亭北敞靈溪林梢與檻齊野雲來影遠沙鳥去行低晚渡
明村火晴山響郡輦思鄉值搖落賴不有猿啼

遊少華山甘露寺

前人

少華中峯寺高秋衆景歸地連秦塞起河隔晉山微晚木
蟬相應涼天鴈並飛殷勤記巖石只恐再來稀

甘露寺僧房

前人

臨水登山路重尋旅思勞竹陰行處密僧臘別來高遠岫

明寒火危樓響夜濤悲秋不成寐明月上千艘

登甘露寺

周繇

盤江上幾曾峭壁半垂藤殿鎖南朝像龕禪外國僧海濤
橋砌檻山雨灑燈日暮踈鍾起聲聲徹廣陵

甘露寺東軒

前人

每日憐晴眺閑吟只自娛山從平地有水到遠天無老樹
多封楚輕煙暗染吳雖居此廊下入戶亦踟躕

甘露寺北軒

前人

曉色宜閑望山風遠益清白雲連晉閣碧樹盡蕪城水靜
沙痕出煙消火野平最堪佳此境為我長詩情

題金陵栖霞寺遺月公

前人

不要買山錢施作清池一作種白蓮松檜老依

樓臺深鎖洞中天風經絕頂迴踈雨石倚危屏挂落泉

欲結茅庵伴師住肯饒多少薜蘿煙

題甘露寺

楊夔

高殿拂雲霓登臨想虎溪風勻帆影衆煙亂鳥行迷北倚
波濤闊南窺井邑低滿城塵漠漠隔岸草萋萋虛閣延秋
磬澄江響暮聲客心還惜去新月挂樓西

題宣州延慶寺益公院

咸通中入講
極承恩澤

前人

嘿坐能除萬種情臘高兼有賜衣榮講經舊說傾朝聽登
殿曾聞降輦迎幽逕北連千嶂碧虛窓東望一川平長年
門外無塵客時見元戎駐旆旌

題紫閣院

張蠟

上方人海外苔徑上千層洞壑有靈藥房廊無老僧古巖
雕素像喬木挂寒燈每到思脩隱將迴欲不能

宿山寺

前人

中峯半夜起忽覺在青冥此界自生雨上方猶有星樓高
鐘尚集作獨遠殿古像多靈好是潺湲水房房伴誦經

宿開照寺光澤上人院

前人

靜室譚玄旨清宵獨細聽真身非有像至理本無經鍾定
遙聞水樓高別見星不教人觸穢偏說此山靈

書翠巖寺壁

曹松

何年話尊宿瞻禮此堂中入郭非無路歸林自學空
小徑水邊蒼雪川風時說南廬事知師用意同

題甘露寺

前人

釋集作齊門接巨壘集作壘非畫閣本作角間清鍾北固一何峭西
僧多此逢天垂無際海雲白久晴峯且暮燃燈外濤頭振
蟄龍

宿溪僧院

前人

年少雲溪裏禪心夜更閑煎茶留靜者靠月坐蒼山露白
鍾尋定螢多戶未關嵩陽有集作大石室何日卷經還

山寺引泉

前人

劈碎琅玕意有餘細泉高引入香厨山僧未肯言根本莫
是銀河漏泄無

題甘露寺

周朴

層閣疊危壁瑞因一作因成千古名幾連楊子路獨倚潤州城

雲共銜江色鷗高背磬聲僧居上方久端坐見營營

題玄公院

前人

院深塵自外集作幽深如佛值玄公常跡集作疏或非集作悲

次志門因得中衣巾離暑氣床榻向涼風是事不逾分祇

應明德同

福州

一作唐東禪寺

集作東禪寺

前人

甌閩在郊外師院號東禪物得居來正人經綸集作論後賢

集作絕

槽擲塞馬蓋地月文延集作筵

鶴鵲尚集作更

巢頂集作

甚舉世傳

宿玉泉寺

前人

寺度殘夏空房欲暮一作時夜聽猿不睡秋思客先

竹迴煙生薄山高月上遲又登塵路去難與老僧期

福州神光寺塔

前人

良匠用材為塔了神光寺更得集作裏高名風雲會處千尋

一作直

日月中時八面明海水旋集作即流倭國野天文方

集作戴

福州城相輪頂上望浮世塵裏人心應總集作早晚平

福州開元寺塔

前人

開元寺裏七重一作層塔遙對方山影擬齊雜俗人看離世

集作界

孤高僧上集作坐覺天低唯堪片片紫霞映集作雲外不

與濛濛白霧迷心若無私羅漢在參差免向日虹西

春日獨遊禪智寺

羅隱

遠樹連天水接空幾年行樂舊隋宮
花開花謝一作長

還如此人去人來自不同
蠻鳳調高何處酒吳牛蹄健滿

車風思量只合騰騰醉
煮海平陳盡一作夢中蠻鳳調

京本作
蠻鳳詞

封禪寺居

前人

盛禮何由覩嘉名偶寄居
周南太史淚蠻徼長一作卿書

砌竹搖風直庭花滴集作
露踈誰能賦秋興千里隔吾廬

金山僧院

前人

根盤蛟蜃路藤蘿四面無塵輟
棹過得似吾師始惆悵眼

前終日有風波

春日湘中題嶽麓寺僧院

前人

宮虎穴兩皆休來凭危欄
送遠愁多事林鶯還謾語

情邊鴈不迴頭春融只恐集作
乾坤醉水濶深知世界淨

欲共高僧話心跡野花荒集作
草奈相尤

道林寺

裴說

獨立凭危欄高低落照間
寺分一派水僧鎖半房山對面

浮世隔垂簾到老閑煙雲與塵土寸步不相關

般若寺

前人

南嶽古般若自來天下知
翠籠無價寺光射有名詩一水

邊獸跡五峯排鳳儀高僧引閑步
畫出夕陽歸一作高僧

出夕陽時

兜率寺

照漁潭

前人

一片無塵地高連夢澤南僧居跨鳥道佛影照漁潭朽耕
雲斜映平蕪日半涵行行不得住迴首望煙嵐

鹿門寺

前人

鹿門山上寺突兀盡無塵到此脩行者應非取次人鳥過
驚石磬日出礙金身何計生煩惱虛空是四隣

題岳州僧舍

前人

喜到重湖北孤州一作橫晚烟簷嚼魚入寺鷓接飯隨舡
松檜君山迥菰蒲夢澤連與師吟論處秋水浸遙天

